

欽定四庫全書

普濟方卷三百八十六

嬰孩諸熱痘腫門

熱渴論

明周王朱橚撰



夫小兒氣血本是盛實腑臟之間易為生病熱氣熏蒸津液乾枯故令兒渴而引飲

方

天麻人參煎 治小兒上焦風熱渴而引飲不止

天麻 人參 白茯苓去黑皮 天竺黃 甘草

生用 鉛霜白研一錢 龍腦研半兩 丹砂研一錢

右將先四味為細末再入研了四味和勻煉蜜煎為膏每服一大豆許用金銀薄荷湯下

枇杷葉湯一名香連散 治小兒上焦虛熱飲水不止

枇杷葉去毛 葛根 胡黃連 甘草炙 玄參 麥

門冬去心焙 等分

右粗搗篩每服一錢水一盞生薑一片煎至六分後入蜜少許再煎至五分去滓放溫分二服食後服之

枯蘆飲 治小兒熱渴或虛熱吐下除熱止渴

枯蘆三分 黃芩去黑心一分 知母焙 小麥 粟米各半兩

右除粟米小麥外餘為麤末每二錢水一小盞入小麥粟米各一撮同煎至六分去滓分作三服一日喫盡量兒大小以意加減

麥門冬散 治小兒夏天服藥大下後胃中虛熱渴唯

飲水

麥門冬

去心

龍膽

各一兩

甘草

炙

黃芩

去黑皮各三分

葛根

判一兩半

右麤搗篩每服一錢用水七分煎至四分去滓溫服

量兒大小以意臨時加減

黃連飲 治小兒多渴

黃連

去鬚半兩

冬瓜瓤

一分

右細剉水一盞半同煎至八分去滓分溫三服量兒

大小臨時加減

蓮實湯 治小兒熱渴不止

蓮實

三十枚炒

浮萍

一分

右用水一盞生薑少許煎至五分去滓分溫三服量

兒大小加減

黃蘆散 治小兒熱渴不止

黃連

去鬚炒

蘆根

右細剉水一盞半煎至五分去滓旋與服

治小兒熱氣熏蒸臟腑煩躁津液枯渴欲引飲方

右取桑枝一握細挫水一盞半煎至八分去滓分作三服如熱水與飲

治小兒熱渴不止

右用葛根半兩細剉水一鍾煎六分去渣頻溫服

治小兒渴不止

蘆葍

扁豆藤

各半 人參 一兩 去蘆

右細剉分為六服以水一小盞煎至五分去滓不拘

時候量兒大小加減稍溫服

治小兒煩熱渴

以方諸向月取水飲之

諸方水半諸大半中水地向月取之得三二合可

葛根湯 治小兒體熱煩渴者尤宜服之

葛根

人參

麥門冬

白茯苓

甘草

澤

瀉 各半 分

右為細末每服一錢水八分入生薑二片薄荷三葉

煎至六分去滓服

寒熱往來羸瘦論

夫小兒風邪客於皮膚痰飲漬於臟腑使血氣不和陰陽交爭故發寒熱往來也胃氣挾熱則消穀消穀則引飲使陰陽氣血不和不能充養身體故寒熱雖能食不生肌肉也

方

鼈甲散 治小兒寒熱往來腹脹漸瘦不能飲食宜服之有效

鼈甲 一兩塗醋炙 柴胡 去苗 訶黎勒皮 陳橘皮 湯浸

焙各三分 檳榔 三枚 赤茯苓 子苓 赤芍藥 當歸 炒

川大黃 甘草 炙各半兩

右為散每服一錢水一小盞入生薑少許煎至五分不拘時候溫服量兒大小加減三服為度

柴胡散 治小兒寒熱往來乳食不下四肢無力心腹

脹滿上焦痰壅漸羸瘦

柴胡 去苗 鼈甲 塗醋炙 黃去 去 人參 去蘆 赤芍藥 桔梗

去蘆訶黎勒

地骨皮

杏仁

湯浸去皮尖麩炒黃

前胡

去蘆陳

橘皮去白甘草

炙剉各半兩

右為散每服一錢水一小盞煎至五分去滓不計時

候溫服量兒大小加減

五味子散

治小兒寒熱往來不欲乳食羸瘦心腹脹

甘草

半兩炙

麥門冬

半兩去心焙

五味子

當歸

炒

人參

去蘆白朮

赤茯苓

桔梗

前胡

黃芩

各一分

右為散每服一錢水一小盞煎至五分去滓服日三

服更量兒大小以意加減

人參散

治小兒寒熱往來食少羸瘦

人參去蘆黃耆

柴胡去苗

白茯苓

鼈甲

塗醋炙去裙襴木

香各半錢

訶黎勒皮

二分白朮

杏仁

一分

湯浸去皮尖麩炒微黃

甘草一分炙

右為末不計時以粥飲調下半錢量大小加減服之

馬通粟丸

治小兒脇下有氣腹痛喘逆氣息甚微往

來寒熱羸瘦不食

馬通內粟

細辛

紫苑

洗去土苗

杏仁

浸去皮尖麩炒各三分

五味子

石膏

秦朮

去苗

白茯苓

半夏

湯浸法七遍一

分

右為末煉蜜和丸如麻子大每服以粥飲下五九日

三九量大小以意加減

香甲散 治小兒寒熱往來肌瘦

木香

鼈甲

酥炙黃去裙襴各一兩

檳榔

三枚

川大黃

陳皮

去了白

柴胡

知母

甘草

當歸

各半兩洗焙

右以咀每服一錢水一小盞生薑二片煎至六分去

滓溫服量大小加減

黃耆丸 治小兒往來寒熱多汗心煩小便赤黃不欲

乳食四肢羸瘦

黃耆

麥門冬

去心焙

赤茯苓

白朮

黃芩

甘

草

炙各一分

柴胡

去苗

鼈甲

炙去裙襴各半兩

右為細末煉蜜和丸如菜豆大每服以粥飲下五九

日三服量大小加減服之

訶黎勒丸 治小兒寒熱往來頭痛嘔吐及乳癖

訶黎勒皮 木香 人參去蘆 赤茯苓 桂心 川

大黃炙判各半兩 陳皮半兩湯浸去白 柴胡去苗三分

右為末煉蜜和丸如麻子大每服以薄荷生薑湯下
五九日三四服量兒大小以意加減

檳榔丸 治小兒乳食不節傷於脾胃致成往來寒熱

時復嘔吐不欲乳食漸至羸瘦宜服

檳榔 丁香 桂心 人參去蘆各一分 川大黃炙判 陳

橘皮湯浸去白 訶黎勒皮各半兩

右為末煉蜜和丸如棗豆大不計時候以薄荷生薑

湯研下五丸看兒大小加減

赤芍藥散 治小兒寒熱往來啼呼腹痛宜服

赤芍藥 寒水石 黃芩 當歸炒 甘草炙判半兩 桂

心一分

右件為散每服一錢水一小盞入生地黃半錢煎至
五分去滓不計時候溫服量兒大小加減

柴胡散 治小兒寒熱往來面色萎黃

柴胡去苗半兩石膏一兩川大黃炒麻黃去根節秦艽去苗常

山各一分

右為散每服一錢水一小盞煎至五分去滓溫服日

三服更量兒大小以意加減

莽草湯 治小兒寒熱往來不休不能乳食浴時避眼

及陰

莽草 丹參各一兩菖蒲三兩蛇牀子 桂心各半兩雷

丸合一

右都判以水五升煮至三升去渣適寒溫以浴兒宜

避風冷

芍藥湯 治小兒寒熱往來

赤芍藥一分黃芩一分當歸洗焙乾柴胡 甘草各一分

右吹咀每服一錢水八分生薑二片棗子一枚煎至

五分去滓溫服大小加減

秦艽湯 治寒熱往來

秦艽

鼈甲

醋炙微黃
去裙襴

川大黃

微炒麻黃

剉各半兩
去根節

竹茹

甘草

各一兩

右咬咀每服水一盞葱白二寸煎五分去渣溫服大

小加減

草菓飲 治小兒寒熱盜汗不思飲食面黃腹急

草菓

一兩厚朴

二兩甘草

棗子

各半兩

生薑

四兩不去皮同杵淹

一宿焙

右咬咀三歲一錢水半盞煎至三分滓去一方治五

瘧夜明砂為末冷水調下半錢即效

鼈甲散

治小兒寒熱往來四肢羸瘦

鼈甲

三分塗醋炙黃

淡竹茹

川大黃

炒各一分

恒山

一杏仁許大

右為散每服一錢水一小盞入葱白二寸煎至五分

去滓入麝香一豆大煎一沸溫服日三服更量兒大

小以意加減

生地黄散 治小兒寒熱進退啼呼腹痛

生地黄 桂心

右以水三升煮取一升週歲以下服二合以上服三
 合一方七味有芍藥寒水石黃芩當歸甘草各半兩
 地骨皮散 治小兒寒熱更作肌體羸瘦煩渴引飲不
 思飲食

人參去蘆白朮

白茯苓

去皮三味
各一兩

前胡

地骨皮

當歸

洗焙

陳橘皮

甘草

半夏麩

桔梗

去蘆頭
七味半

兩

右件呔咀每服二錢水六分生薑一片棗一枚同煎

至四分去滓溫服不拘時候

寒熱結實論

夫小兒寒熱結實者此曰風邪客於皮膚而內有痰飲
 漬於臟腑使氣血不和陰陽交爭則發熱而臟本實復
 為熱所乘則積氣在內使人胃脇心腹煩熱而滿大便
 難小便澀是為寒熱結實也

方

柴胡丸 治小兒寒熱結實或熱攻衝心肺氣急盡晝

夜有汗日漸瘦不喫乳食

柴胡半兩去蘆 赤茯苓一分 人參一分去蘆 木香一分 桂心一分 川

大黃半兩炒 枳殼一分炒 甘草一分炙 鼈甲半兩塗醋炙微黃去裙襴

右搗羅為末煉蜜丸如麻子大每服溫水下五九日

三服量兒大小加減服之

大黃丸 治小兒憎寒壯熱發渴不定腹中結實不能

乳食

川大黃半兩炒 柴胡一分 赤茯苓一分 木香一分 桂心一分 枳

殼一分麩炒 桃仁一分湯浸去皮尖炒黃 檳榔半兩 人參一分去蘆頭

右為末煉蜜和丸如麻子大每服以溫水下五九日

三服量兒大小加減服之

芒硝丸 治小兒宿食痰癖寒熱腑臟結實宜服之

川芒硝半兩 川大黃半兩炒 甘遂一分 半夏一分湯洗七次 巴豆

二七枚去皮心 杏仁二七枚去皮尖別研 代赭半兩

右為末與巴豆仁膏一處研勻煉蜜和搗二三百杵

丸如菜豆大五六歲兒空腹以溫水下丸利為度

鼈甲散 治小兒寒熱結實脇下妨悶不欲乳食

鼈甲 半兩塗醋炙黃 赤茯苓 半兩 川大黃 一大兩炒 枳殼 二兩炒 川

朴硝 一分

右為散每服一錢以水一盞煎五分去滓溫服不計

時大小加減服

五靈脂丸 治小兒腹有積滯致生寒熱腑臟結實心

腹氣脹常多劣弱

五靈脂 半兩 陳橘皮 三片湯浸去白 木香 半兩 川大黃 一分炒 巴

豆霜

右件為末入巴豆霜同研令勻用軟飯和丸如黍米

大每服以粥飲下兩丸小兒一丸

爽神湯 治小兒清寒壅爽精神

白朮 人參 去蘆 白茯苓 各一兩 桔梗 瓜根 甘草

各半 細辛 一錢

右咬咀每服一錢水八分入荊芥薄荷各少許煎至

五分去滓溫服

冷熱不調論

夫小兒冷熱不調者蓋為乳食乖度寒溫失節或陰陽相盛氣血不調致令冷歸下焦熱衝上膈若風冷入於腹胃則瀉痢不定或腹中氣滿或時嘔逆不能乳哺故謂之冷熱不調也

方

犀角湯 療小兒上冷下熱上熱下冷難將息方

犀角末 甘草 生地黃 芍藥 白朮 茯苓

梔子 各三分 柴胡 人參 大黃 生薑 各四分 黃芩

二分 桂心 一分

右以咀水三升煮服一升分溫服

木香散 治小兒冷氣不調胃氣壅滯少思飲食

木香 一分 大腹皮 一分 人參 赤茯苓 青橘 水浸去皮 訶

黎勒皮 桂心 前胡 半夏 丁香 甘草 各一分

右為散每服一錢水一小盞入生薑半片大棗煎至

五分去滓放溫量兒大小以意加減

犀角散 治小兒冷熱不調或時下痢腹痛不能飲食

犀角屑 桂心 甘草炙 當歸炒 黃連 陳皮浸去

白人參 乾薑炮各半兩

右為散每服一錢水一小盞煎五分去滓日三服大

小加減

訶黎勒散 治小兒冷熱不調大便或壅或通不欲飲

食

訶黎勒皮半兩 人參一分 檳榔一分 木香一分 川大黃半兩

炒桂心一分 川芎一分

右為散每服一錢水一小盞入生薑少許煎至五分

去滓不計時候大小加減溫服

赤芍藥丸 治小兒冷熱不調不思飲食積不消

赤芍藥三分 桂心一分 柴胡去苗半兩 川大黃三分 赤茯苓

半兩 龜甲一兩 塗醋炙 令黃去裙襪

右為末煉蜜丸桐子大二歲以上粥飲化破三丸服

日三服如四歲已上至七歲七丸以粥飲下

白朮散 治小兒冷熱不調腹內疼痛發渴不定

白朮 半兩 當歸 半兩 芎藭 半兩 乾薑 一分 青橘皮 一分

湯浸 去皮甘草 一分

右為散每服一錢水一小盞煎至五分去渣不計時

候量兒大小加減服之

當歸丸 治小兒冷熱不調大便青黃心腹多痛不欲

乳食

當歸 炒 人參 去蘆 白芍藥 芎藭 甘草 炙 白朮 各半

兩

右為末麩糊和丸如麻子大每服以粥飲下至五丸

日三服三歲以上加丸數服之

香連散 治小兒冷熱不調腹痛下痢

木香 當歸 微炒 乾薑 炮 黃連 去鬚 阿膠 炒

右為散每服以粥飲調下半錢量兒大小加減頻服

木香丸 治小兒冷熱不調服痛不可忍或時寒熱下

痢濃血

木香一分芎藭

當歸

劉炒桔梗

去蘆

黃芩

各半兩

右為末煉蜜和丸如桐子大不計時候以溫生薑湯研破二丸服之量兒大小以意加減

赤茯苓丸

治小兒冷熱不調腹胃滯結壯熱作時兩

脇刺痛

赤茯苓

川大黃

劉微炒

鼈甲

塗醋炙令黃去裙襴各三分

當歸

芎藭

右為末煉蜜和丸如菜豆大每服以粥飲下五九日三服量兒大小以意加減

調氣散 治小兒四五歲腹內冷熱不調不能食飲

白朮

人參

去蘆

甘草

炙各三分

厚朴

一兩去麩皮薑製

右為散每服一錢水一盞入生薑少許煎至五分去滓放溫量兒大小分減服之

黃疸病論

夫黃疸以身皮背黃者病也身痛體背強大小便澀一

身面目齒爪皆黃小便如屋塵色或時黃濁者難治此黃疸也二證多病於大病後身微黃者胃熱也大人亦同又有面黃復大食吐渴者脾疴也又有自生而身黃者胎疸也古書云諸疸皆熱色深黃者是也若淡黃兼白者胃怯胃不和也黃疸者由脾胃氣實外有溫氣乘之與胃合候變生熱必脾色生黃胃為水穀之海熱搏水穀氣蘊積成黃熏發於外身疼體背強大小便澀皮膚面目齒爪皆黃此或傷寒或溫病皆由熱不時解

而入於胃也宣利者易治澀者難治宜服五苓散加茵陳煎湯點又宜服導赤散加茵陳煎或身熱宜服小柴胡湯甚者服承氣湯陽明病無汗小便不利心中熱壅必發黃凡發黃其寸口無脈鼻氣冷並不可治凡發黃而下痢心腹滿者必死診其脈沉細者亦死又有百日半歲小兒非傷寒溫病而身微黃者亦是脾胃熱忌不可灸也灸之則熱甚此是將息過度所為微薄其衣數與除熱粉散之自歇不得妄語湯藥服及灸

方

犀角飲 治小兒黃疸一身盡黃者

犀角兩一茵陳 蘇蘇根 升麻 龍膽草 甘草

生地黄各半 寒水石三

右白水煎服一方治小兒忽發黃面目皮肉須盡黃
瓜根汁和蜜服

茵陳散 治小兒黃病身如橘色

茵陳 川芒硝各一 梔子仁 川大黃炒 黃芩

犀角屑 木通剉 寒水石各半

右為散每服一錢水一小盞煎五分去滓不計時候

溫服量大小加減

瀉黃散一名加減黃連散 治小兒體熱胸膈煩滿皮膚如潰橘

之黃白睛亦然濕熱所致也並治痿獨取於陽明證
也加減瀉黃散主之

黃連 茵陳各五 黃蘗 黃芩各四 梔子 茯苓

澤瀉各三

內經曰土位之主其瀉以苦又云脾苦濕急食苦以燥之以黃連茵陳之苦寒除濕熱為君腎欲堅急食苦以苦以堅之故以黃蘗之苦辛強筋骨為臣濕熱成煩以苦瀉之故以黃芩梔子之苦寒止寒除滿為佐濕淫於內以淡滲之故以澤瀉茯苓之甘淡利小便道濕熱為使也

右哎咀都作一服水一大盞煎至六分去滓稍熟食前一服減半時五日再服而愈

升麻丸 治小兒熱毒攻脾胃遍身俱黃小便赤澀大便難心神壅熱兩目赤黃

川升麻 龍膽 梔子仁 黃芩 川大黃炒秦

芫 甘草炙剉各半兩

右為末煉蜜和丸如梧桐子大不計時候以新汲水研下三丸三歲以上加丸數服

三黃丸 治諸瘡黃疸及衄血

黃連去鬚一分 黃芩去心半兩 大黃去皮濕紙裏煨

右同細末麪糊丸如菜豆大或麻子大每服五七丸
 至十五丸二十九丸食後米飲送下一方用煉蜜為丸
 如衄血膿鹽水下便血荊芥薄荷湯亦下一名三黃
 散治黃病每服一錢水一盞煎五分去滓溫服食後
 白朮散 治小兒結熱於內口乾而渴身黃體重者
 人參 白朮 白茯苓 甘草炙 藿香各一兩 葛根
 右為麤末每服一錢至二錢水煎服
 治小兒黃病土瓜根汁方

土瓜根汁

右一二歲兒取半雞子殼分二服三四歲取一雞子
 殼分二服早晨晚後各一一方用蜜半匙相和漸漸
 服之

茵陳丸 治小兒脾胃熱毒致肌肉變黃小便變赤少
 心中煩懊

茵陳 梔子仁 川大黃炒 秦艽去苗 甘草炙各一分 川

朴硝半兩

右為末煉蜜和丸如棗豆大不計時候溫水下五九
量兒大小加減服之一方有郁李仁無甘草

瀉黃散 治小兒身涼身黃睛黃疳熱口臭唇焦瀉黃

沫脾熱口甜胃熱口苦不吃乳

藿香七錢 山梔子一錢 石膏半兩 甘草三兩 防風四兩

右剉細同酒蜜微炒香為末每服半錢水半盞煎三
分去滓服清汁亦治弄舌一方每服一錢溫熱水調
下不拘時候服之

子芩散 治黃病

黃芩 枯樓根 茯神各一兩 甘草 胡黃連各半兩

每服一錢水八分煎五分去滓溫服

蘆根湯 治黃病

蘆根剉一兩 茵陳 山梔子 黃芩 甘草各半兩

右搗羅為末每服一錢水八分薄荷三葉煎服

大黃散 治小兒諸黃

川大黃炒 黃連 菰蘆根 黃芩 梔子仁各半兩

右為散每服一錢水一小盞煎至五分去滓不計時
候溫服量大小以意加減

黃瓜蒂散 治小兒諸黃三歲忽發心滿堅硬脚手心

熱則變為黃病不急治殺人

瓜蒂 一十粒 小豆 二十粒 糯米 四十粒

右搗羅為散吹少許入鼻中令黃水出殘藥末盡水
調服之得吐黃水即瘥一方瓜蒂一兩赤小豆四兩
為末每一錢溫水調服藥下便卧即當有吐以吐為

度出青黃汁為妙若小病不除者次日如前法更服
可再三不令虛也藥時過時不吐即服熱湯一盞以
藥助力若服藥過多者飲冷水解之又方瓜蒂炒赤
小豆各等分為末三歲半錢濃豉汁調下溫服不吐
少加得吐而止虛人不可用

茵陳湯 治小兒黃疸身體目睛小便並黃

山茵陳 一分 大黃 判炒 山梔 五枚

右麤搗篩五六歲每服一錢水七分煎四分入朴硝

半錢更煎一兩沸去滓分溫日三服量大小加減
大黃丸 治小兒諸黃心胸壅悶宜服

川大黃

剉炒

茵陳

甜葶

膈紙焙令紫色各半兩

右為末煉蜜和丸梧桐子大不計時候以新汲水研
下三丸量大小增減服之

治小兒黃病青麥汁方

青麥自然汁

右二歲兒取半雞子殼分二服三四歲兒取一雞殼

分二服早晨後午各一服

葶藶丸 治小兒黃疸大小便難氣麓急

甜葶藶

一兩炒

大黃

一兩炒

右為末煉蜜丸如小豆大每服十九米飲送下

秦朮湯 治小兒身目俱黃

秦朮

三分

右麤搗篩每服一錢牛乳一合同煎至五分去滓分
溫日三服量兒大小加減

苦參丸 治小兒穀疸其候食必頭眩怫鬱不安而發

黃皆由失饑太飽攻衝脾胃腹滿氣麓煩渴

苦參 一兩 龍膽 半兩

右為末牛膽汁和搗三五日下丸如棗豆大每服二

十九米湯下不拘時

雙連丸 一名黃瓜丸

治疸病渾身及面色俱黃

川黃連 去鬚 胡黃連 各一兩

右為細末用黃瓜一枚去瓢留一小蓋子入藥末後

以蓋子蓋定用麩裏火燒令麩焦去麩搗熟丸如棗

豆大每服七粒至十粒溫水下大小加減

寒水石散 治小兒胃熱身體黃除熱粉之 方見本門諸熱類

逐黃散 治小兒黃疸脾熱眼黃

右以菰蘆青者焙為末每服一錢水半盞煎七分去

滓臨卧立效五更初瀉下黃立可置治酒黃極妙

治小兒黃病韭根汁方

韭根汁

味溫無毒洗淨去泥不計多少於石器搗爛灑取自然汁

右滴少計入鼻中出黃水即瘥

諸腫論

夫腫病腎熱傳於膀胱盛逆於脾胃虛而不能制腎水
 反尅土脾隨水脾主四肢故流走而身面皆腫也若大
 喘者重也何以然腎水勝而尅退脾土上勝心火心又
 勝肺為心尅故喘或問曰心刑肺肺本見虛今何喘實
 曰此有二者肺大喘此五藏逆二者腎水氣上行傍侵
 於肺故大喘此皆難治 腫者疔腫風腫氣腫積腫虛

腫五者大同小異疔腫者肌體浮腫通身明亮狀如熟

李

寶鑑云若見大膚如熟李此名疔水定無疑麩或有陰囊腫如琉璃疔水也或因疔食傷脾變為疔水

風腫者面目浮腫色帶紫赤時常多痒

陶隱君云風腫紫色而痒進退

不定忽即有發牽牛散主之或有如痛癩有成片腫者按之隨手而起風疹也 素問云風邪客於肌中肌膚虛真氣逆散寒搏於皮膚發腠理淫氣行之則為腫痒也又云面腫曰風痼雖氣血尚虛而熱未盡從皮膚與氣相搏致令氣不宣泄故停雷成腫 氣腫者目胞浮腫也治之先益黃散捕後牽牛散利之

久嗽為之麗有痰

食公曰日上臉先腫次而皆腫者久嗽為之曰氣胎目下臉先腫次而皆

腫者脾積為之曰水衝 素問云目下微腫如卧蠶起之狀曰水評熱論曰水者陰目下亦陰也腹者至陰之

所居也故水在腹中者必使目下腫也又曰經腫也又曰脛腫曰水 千金云有人患氣急久不瘥遂成水病麻黃甘草 積腫者遍身浮腫因食悞脾久虛亦作 日葉

湯主之 云人久患寒熱不退必變浮腫因脾積氣所作也寶鑑云因宿痰飲成塊散後遍身浮腫喘麓或因不便食即飲水悞必 虛腫者四肢浮腫久痢為之多渴少食 凡痢久不

作者也 退虛腫少食瀉久不退虛煩渴大抵痢久則脾土虛虛則不能制腎水反尅土故腐腫於肌肉也其病十死八九若用涼藥立治死之益黃散女麩散五苓散候脾氣實則腫自消十愈五六凡喘久能變虛腫也 皆由

不忌生冷恣食甘酸脾胃不調之所致也然取水之法諸有水人微腫見於目下水者陰也腹者至陰之所居

故水在腹必使目下腫而不得卧卧則驚驚則咳甚夫

取水法不可頻收盡必當再發則難治如病甚治者初

隔一日一取候減三二分又隔兩日一取候退六七分

又隔三日一取減去八九分又隔四五日取其不取日

即服補腎行水氣之藥

全嬰方云丁氏二子大者七歲自七月內寒熱四十餘日小者

五歲自七月內瀉痢四十餘日二子後來俱發浮腫邀

愚視之大者水竇散瀉十餘行五苓散二服翌日病除

八分後商陸散二服平愈小者益黃散女麩散五苓散

日二服三日服藥尚未見效主人曰大者服水竇散立

效何不投之一服答曰服之即死是謂醫之用藥之瘥

病如將之用兵料散當其虛實隨其機變必獲勝效也

蓋大者因食傷脾小者因痢損脾素問云陽病治陰陰病治陽大抵退熱以寒藥退寒以熱藥實病虛之虛病實之今二子證候虛實不等若水竇女麩服之交互二病俱亡小者止用益黃散服之十日脾實平安

腫脹二證此由虛中有積久患失治漸傳作證候傳化

多喘隨虛實按輕重察勝衰審表裏主治先固其本後

正其標得無恙矣凡腫有受濕

脚手面
目虛浮

毒氣腫

腹肚堅
盛脹急

傷寒虛氣入腹腫氣虛腫瀉痢虛氣入腹脹腫血虛腫

榮衛俱虛腫凡脹疝極脹疝積脹氣積脹痞氣脹癰氣

脹癥積脹鎖肚脹急膈脹中脘脹食腸膨脹蛔蟲脹脾

氣脹冷積脹虛積脹以上腫脹虛積並當下之用藥各

有法度凡受濕腫傷寒虛氣入腹腫食毒氣腫瀉痢虛

氣入腹腫此四腫所患病不相同皆因虛盛而得之受

濕謂脾胃受濕冷久不尅化氣浮四肢頭面皆腫食毒

氣由脾胃傷之冷積毒氣停畱胃脘致虛入腹作腫傷

寒由下之太早乘虛入腹作腫瀉痢之久痺氣亦虛是

以致腫以上宜平調胃氣補臟克實方可去腫先服四

味理中丸減半乾薑加白朮桑白皮同煎傷寒虛腫加

枳實作喘加淡豆豉瀉痢虛腫服正氣調胃胃氣既壯
以致生丹利之其腫即退再調補臟腑用觀音散良益

固平復矣又有氣虛腫

亦名氣毒

榮衛俱虛

亦名氣血蠱

錢氏小

兒所患腫脹一門最為要急前人少有究竟然腫脹已
作皆由榮衛不順臟腑怯弱壅滯三焦流注百脈表裏
俱虛邪正相亂所以致受四肢浮盛腹肚膨滿多由食
毒得之飲冷得之癥傷得之飲飽得之積久不化諸虛
所入故成斯病病由虛得或則妄亂通下因虛致虛根

不能去疾加已盛是謂壞證危甚智者怯而為辭庸者
暴以致擊二醫不同誠屬難治原夫智者商之謂商量
斟酌輕重良者審之雖曰良工猶宜審其可否之意疑
者調之疑其病盛不可利只宜與塌其氣明者起之明
靈實已定良方起活謹遵其理始可調治藥用至真對
證尅效即無恙矣以上先與服榮衛飲子次服分氣飲
子小兒臟腑嬌嫩乳食過傷脾胃虛冷不能消化乳食
停滯腹間脾受積傷脾土衰弱不能制水故流溢漬於

皮膚腫有三證疔水積水驚水也蓋疔水者其候心中虛脚腫不可取宜用藥消之若積水者五積在於腹結化為水其候或冷或熱四肢頭面俱浮作虛中積治之宜補而後取此是積在腹結後化為水其病難治而不可作虛中積治也驚水者前後重疊受驚致令心火爆渴飲水過多停積於脾其候四肢腫身上熱若其脈大者生小者死叔和曰水氣浮大得延生沉結應當是死別尺脈如絲或浮洪按之無根乃絕脈楊氏曰賈洛陽

以腫為痼疾則知病之危惡非他疾比也夫人全性命者水穀而已水則腎主之土穀則脾主之惟腎虛不能行水脾虛不能制水胃與脾合氣胃為水穀之海又因虛而不能化故腎水泛溢浸漬脾土於是三焦停滯經絡壅塞水滲於皮膚注於肌肉而發腫矣其候目胞上下微腫四肢重著咳嗽喘怔忡股間清冷小便澀黃皮薄而光手按成窟舉手即滿治法楊氏曰身有熱者水氣在表可汗身無熱者水氣在裏可下次則通利小便

順氣和脾不可緩也然證雖可下當審其虛實權其輕重不可過用芫花大戟猛烈之劑用之太過吾恐峻決者易固閉者難水氣復來何以治之也凡虛腫先起於腹而散於四肢者可治先自四肢而後歸腹者不可治蠱脹肚上有筋腹滿而大便滑泄久瘡而轉作虛浮及唇黑傷肝缺盆平傷心臍突傷脾足平傷肺背平傷肺或男從足腫而上女從身腫而下或肉硬或手掌平皆不治凡小兒通身浮腫是風水腫也小便不通者宜利

小便則愈內經曰三焦閉益水道不行水滿皮膚身體痞腫是風乘之故可用長流水加燈心煎五靈脂時時呷之更於不透風處浴之汗出則腫消一汗減半再汗減七八三汗消盡內外俱行也治水之法當利小便此乃要妙之理則愈矣小兒浮腫有飲食所傷有濕傷皮膚有氣化為水治法腰以上腫宜汗腰以下腫宜利小便然後調理脾胃也

方

榮衛飲子 調理嬰孩氣血俱虛榮衛不順四肢頭面手足俱浮腫以至喘急者並宜服之

川當歸

熟乾地黄

洗淨

白茯苓

川芎

白朮

甘草

炙

白芍藥

枳殼

炒先製

黃耆

蜜炙

陳皮

右等分咬咀每服二錢水一小盞煎至半去渣通口不拘時候榮者溫流血於脈衛者氣順調和於絡是故榮行脈陰陽相實循環無止自行幼至長不難呼吸無少滯礙其脈方調其氣乃順呼吸之間脈不應

息氣有違滯流注經絡隱伏臟腑虛熱則發壅疽背節實熱則患瘡疾癩疥况其榮與衛陰及陽偏枯有作易感寒邪亦易致虛百病皆由茲始此方最良雖免幼小並可與服以杜其根使血榮氣衛順且和矣腑寒臟虛溫且壯也盈虧自然而平怯弱自然而正陰陽均調氣脈克實清濁無混邪正不干上焦得之清涼下部受之溫暖氣滯則少升降血虛則多流生雖是乳子呼吸一息其脈有志徐徐應指不違其數

者亦同大人流行但通小大受之短淺而已若留滯其脈遲數於病太過不及者作病善主療治鬱則分之逆則順之停則利之滯則降之調理之先宜以順其氣大抵嬰孩氣順即易治脈壯亦易理證候稍傳鬱逆停滯當以先明不待傳入而究竟此方分氣預宜進服與分水穀之分者不同為用

分氣飲 調理小兒腫脹作喘氣短促急坐卧不任四體浮腫飲食嘔逆神困喜睡即宜服之

五味子 桔梗 白茯苓 甘草炙 陳橘皮 桑

白皮 草菓去殼 大腹皮 白朮 枳殼去瓢切炒 川當

歸 紫蘇 蘇子 半夏麩

右等分每服二大錢水小盞生薑二片棗子半個煎至半去滓通口不拘時候兼八味理中丸煎服以上宜用救生丹通利

大效神功救生丹 治小兒氣虛喘息四肢浮腫腹肚脹急衝滿脇肋乍寒乍熱或瀉或秘皆由久停虛積

榮衛不順宜用此發其惡毒之氣

雄黃別研硃砂另研各一分巴豆二十粒去殼乾薑二錢

右用米醋一盞以巴豆薑就煮令乾去薑不用將巴豆出油和雄硃研勻雪糕搜丸如麻子大每一歲三丸並用酒浸赤芍藥少許送下

夫幼兒受疾其來發端無過驚風痰熱疳積吐痢而已前賢衆多述論證候徧看藥方究竟推詳各有確實奧見其有無辜疳積異作證候著於篇集或有罕見

其證未詳其理者盡難測知龜胸決助糊漿是也又復有壞證惡候自服諸家丸散輕重相投愈之不得全功疾之加為他害提脾風之類是也悠悠既久方法何宜學醫之士遇此等證未審告辭而屈若能于此觸類調理雖則未效猶尚庶幾多是肆免強而為稍或得失利害甚重今議救生丹方載譚氏所療無辜積證效驗至良晚進後生聞而知之且驚且喜蓋渠未嘗知用苦功參究而又意到即操切一副全功

然後乃謂神乎微乎其妙至理醫工於此等證候須當至誠施議活衄起孩十學十全百發百中矣
療小兒身體滿氣急卧不得方

右用郁李仁一合搗末和麩漉作餅子如常法與兒喫微利即瘥一方為末六分水七合和調去滓煮粥與兒喫之

寬腹丸 治小兒疳氣腹脹不思飲食或面腫者

牽牛 蘿蔔子 陳皮 青皮 木香 炮各一分 檳榔

紫蘇子 木瓜 半兩 巴豆 七粒不去殼同炒黃去豆

右為末糊丸如小豆大三歲三十九紫蘇木瓜湯下
黃耆茯苓散 治小兒榮衛氣虛精神不爽面無顏色唇口青白噦逆昏睡全不思食身體微腫

黃耆 蜜炙 茯苓 神去木 天南星 炮 白扁豆 炒黃 防風 去蘆 白附子 炮 肉桂 去皮 白芍藥 山藥 各等分

右每服二錢水一小盞生薑三片棗一枚同煎七分去渣食前溫服

加五味苓散 治腫滿因積而得既取積而腫再作小

便不利

猪苓 赤茯苓 白朮 澤瀉各一兩 木香 沉香

檳榔各三錢 白豆蔻一錢 縮砂仁五錢

右味煎樟柳木通燈心湯調下

大黃湯 治小兒咳腫壯熱有實方

麝香三銖別研末 川大黃四分 甘遂 石膏各三分 黃芩

甘草 青木香各三分 前胡

右為麤末水七升煮一升九合每服三合日四服夜

三服

塌氣散 治腫滿因積而得既積而腫再作小便不利

赤小豆 陳皮去白 蘿蔔子 白朮炒 茴香炒各五錢 木

香二錢 甘草一錢 青皮五錢加以巴豆二錢去殼炒去巴豆不用

右末飯湯下或薑棗湯下治疳水燈心湯下

治小兒臍赤腫

以杏仁杵加脂內體中相和傳臍腫上

治男子婦人小兒積年脚氣腫痛及腹肚蠱脹服之痛

止腫消方見大人脚氣腫滿門

椒目飲 治小兒痢後虛腫並頭面浮或身熱

白朮 秦艽 椒目 甘草 香薷 通草

右等分為末一錢半盞煎三分去滓食前不宜喫蠱

魚鯉魚二物皆能腫

史君子丸 治小兒面黃大小便赤徧身浮腫此脾胃

食積氣滯而成

史君子 一分麩累 黑牽牛末 一兩 靈脂 半兩 黃連 陳

皮 一分 江子 七粒 同陳皮黃連炒江子不用

右為末粟米糊為丸如菘豆大每服五七丸生薑橘

皮湯下

神助散 治小兒頭面手足浮腫

澤瀉 猪苓 去黑皮 黑牽牛 二兩半 微 葶藶 三兩 炒香

別 椒目 一兩 木香 一兩

右為細末每服以葱白三莖將水一盞煎至半盞調

藥三錢絕早面向東服如人行十里久漿水葱白煮
稀粥至葱爛入酒五合熱啜量人啜多少須啜一升
許不得喫鹽並麪自早至午當利小便三四升或大
便利喘定腫減七分隔日再服

五皮散 治小兒諸般浮腫氣急可食

桑白皮 大腹皮 茯苓皮 薑皮 陳橘皮 各
分

右吹咀三歲一錢紫蘇皮葉三五皮水半盞煎三分

去渣無時

澤苓散 治小兒遍身浮腫氣急不食

木通 一兩 澤瀉 一兩 苦蒲子 各半 木猪苓 各半 漢防已 各一兩

右吹咀一錢水酒共半盞葱白三寸煎三分去滓小
便通利即瘥

內消丸 治小兒頭面手足虛浮

木香 一錢 煨 防已 一錢 丁香 二十粒 青皮 五錢 去瓢剉
用巴豆十四

粒去殼同炒候黃色去已豆不用

右末飯丸麻子大每服三二歲五丸四五歲七丸或十歲小兒陳皮湯下女兒艾葉湯下一日三服又方實脾散消積飲能補脾消積進食五苓散通利水道三藥合和用蘿蔔子木通薏苡仁車前子草赤小豆冬瓜仁糯米湯調入燒鹽蓋脾土固實水去腫消也一方五味同炒黃色去已豆麩糊為丸小豆大三歲三十九橘皮湯下

紅粉散 治小兒渾身虛腫氣喘不思飲食

硃砂錢一檳榔錢一輕粉錢半

右為末每服一字及半錢薄荷湯調下喫一服則取下仍用前觀音散人參散神朮散調其胃氣忌生冷麤硬等物

檳榔丸 治小兒遍身浮腫

黑牽牛炒三兩青木香 青皮 防風 檳榔各一兩

右為末麩糊為丸如芥子大每服二十九桑白皮湯

下

香橘丸 治小兒四肢腫滿

杏仁十四箇 巴豆十四箇 青皮 陳皮各半兩 麩半斤

右一處炒白為細末醋糊為丸如菜豆大每服十九至二十九丸冷薑湯下

宣氣散 治小兒腹急氣竈並治風腫氣腫通身腫及瘡頭盛出身熱煩渴腹脹喘促大小便澀面青悶亂又治久瀉不退脾虛生氣止與一服後補之

木香一分 檳榔 橘皮 甘草各半兩 黑牽牛四兩半生半兩

炒

右吹咀一錢水半盞煎三分去滓煎三歲一錢

香櫛散 治小兒疳食氣腹大氣竈應有浮腫並療

木香 檳榔 黑牽牛 青皮各半兩 商陸一兩

右為末三歲一錢煎木通湯調下或為糊丸小豆大三十九丸米湯下肚大常服自消

分氣飲 治腫脹作喘氣短而急

北梗 赤茯苓 陳皮 桑白皮炒 大腹皮 枳

殼製半夏麴 真蘇子微炒 紫蘇 甘草各二錢灸 草菓

仁一錢

右判散每服一錢半水一盞生薑三片棗子一箇煎服若心臍起掌心平缺盆平背心平不治大喘氣窳不食乃腎水盈溢上行傍浸於肺亦不治

葶藶煎 治小兒腫滿服藥不退

葶藶紙上炒 防已一兩半 澤瀉三兩 澤漆葉一兩 赤茯苓三錢

苓去黑皮 郁李仁去皮尖炒 柴胡去苗 杏仁湯浸

尖雙仁炒研如膏三兩

右七味麤搗篩水一斗煎三升半去滓入杏仁膏又白蜜一斤慢火煎如稀餳每半錢過水調下漸加之更量兒大小加減

甘遂丸 治小兒腫滿結實諸治不瘥

甘遂炒 葶藶紙上炒 車前子 猪苓去黑皮 杏仁湯浸

尖雙仁炒研 芍藥各三錢 澤漆葉 黃芩去黑心 鼈甲去裙

灸各半兩

右搗研為末煉蜜和丸如菜豆大五六歲兒每服五丸竹葉湯下以利為度量兒大小加減

塌氣散 退腫治積水驚水或飲水過多停積於脾故四肢腫而身熱宜用內消之藥其腫自退

赤小豆 陳皮 蘿蔔子 甘草 木香
各半 一分 兩 炮

右末薑棗煎去滓大小加減通口服

牽牛丸 治小兒疳氣頭面及四肢腫

黑牽牛 白牽牛 青皮 陳皮
各半 兩

右等分為末糊丸如小豆大三歲三十九米湯下些小腫常服自消

塌氣散 治小兒疳氣腹脹喘急並面浮腫

丁香 胡椒 蘿蔔子 白牽牛
炒一分 生各一兩

右為末麩糊丸小豆大三歲三十九米湯下

治小兒身腫並手足腫兼癰癤

右用巴豆五十枚取波心水二升煎取一升用帛於

湯中隨手拭之

治小兒毒氣攻腮腫赤可畏者

皂角 二兩 去核 天南星 二錢 生用 糯米 一合 為末

右為細末薑汁調塗立效

郁李丸 治小兒疳食急腫滿

郁李仁 湯泡去皮炒 檳榔 各半 兩 牽牛 一分 炒

右等分為末糊丸小豆大三歲三十九葱白湯下不

拘時量免大小加減

塌氣散 治小兒腹脹氣麓並疳食攻面目浮腫

木香 一分 青皮 半兩 巴豆 三十粒同炒 黃色去巴豆

右為末三歲半錢米湯調下食前連進即效

治小兒浮腫

蒲種殼 天羅 燈草

右用葱濃煎湯服之又煎洗之尤妙即愈

郁李仁湯 治小兒通體腫滿腹脹氣喘

郁李仁 湯浸去皮 尖炒搗研 大黃 煨 柴胡 去苗 各一兩半 芍藥 猪

苓去黑心 澤瀉各一兩 赤茯苓去黑皮 麻黃去根節一分 升麻

杏仁湯浸去皮尖雙仁炒 鼈甲去裙襴醋炙各三錢 黃芩去黑心一兩

右麤搗篩每用二錢水一盞煎至五分去渣分溫二服日再以利為度量免大小加減

商陸散 治小兒浮腫腹滿氣急利小便

澤瀉 商陸各等分

右為末三歲一錢煎桑白皮湯調下商陸醋炒為末調塗腫毒並治咽喉腫

治小兒臍腫

右取桂心炙令熟熨之日可四五度

治小兒熱腫

右用鯉魚膽塗之

甘遂丸 治小兒腫滿結實諸治無益者一名澤漆丸方見本門水

腫類

二牛丸 治小兒腫病大小便不利

黑牽牛 白牽牛各四兩炒

右為末井花水為丸如菜豆大每服二十九羅蔔子煎湯下

沉附湯 治腫面滿因積而得既取積而腫再作小便不利若再用利小便藥性寒而小便愈不通利此則束手矣蓋中焦下焦不升降為風寒痞隔故水凝而
不通宜服沉附湯則小便自通喘滿自愈大小便通
用久服無礙

附子

一雙生去皮臍切成片子

右用生薑十片水三盞煎至八分次用沉香一錢磨水入藥再煎

胃苓丸 治腫滿因積而得既取積而腫作小便不通

平胃散 五苓散

右等分和合蒸蒜丸木通湯下

又方 治腫滿因積而得既取積而腫再作小便不通

平胃散

二錢

右煮羅蔔子一碗取青汁一盞入藥用薑棗再入羅

藟子同煎服

附豆丸 治脾虛受熱虛腫

附子

一隻生去皮切作四片

赤小豆

一盞

右用水浸慢火煮候豆熟附子透軟取附子焙乾為末以薏仁糊煮糊丸空心蘿藟子煎湯送下仍以燒鹽和所煮赤小豆空心食之

緊皮散 治一切腫經取以消脾胃虛弱

白朮

炮

赤茯苓

木香

澤蘭

厚朴

薑續斷製

肉桂

檳榔

陳皮

去白麥蘖炒

神麩

青皮

椒

目

木通

扁豆

右咬咀每服薑煎棗子蘇葉同煎空心溫服之

海蛤湯

治小兒腫病大小便不利

一名猪苓湯方見本門水腫類

水腫論

夫小兒水氣腫滿者由將養不調腎脾二臟俱虛故也腎主水其氣不通於陰脾主土候於肌肉而尅水腎虛不能傳其水液脾虛不能尅制於水故水氣流溢於皮

膚致令腫也其水腫者則皮薄如熟李之狀也若皮膚虛受風風搏於氣致腫者但虛腫如吹此風氣腫也

方

擯榔散 治小兒水氣腫滿喘促坐卧不安

擯榔 煨熟 炒 大黃 剉炒各三錢 葶藶 紙上炒 牽牛子 炒各半兩

右搗羅為散三四歲每服半錢熟水調下以利為效量兒大小加減

葶藶丸 治小兒水腫氣喘

葶藶 炒 防己 甘遂 大戟

右等分為末三歲一錢桑白皮湯調下食前

澤漆丸 治小兒水腫腹大諸藥不瘥

澤漆葉 葶藶 紙上炒各半兩 黃芩 去黑心 甘遂 炒 郁李仁

湯浸去皮尖炒研 芍藥 猪苓 去黑皮 杏仁 湯浸去皮尖雙仁炒研 車

前子 各三錢 鼈甲 去裙醋炙 柴胡 去苗各半兩

右搗羅為末煉蜜和搗三五百杵丸如菜豆大五六歲兒每服五丸溫水下更看兒大小增減一方用竹

葉湯下

大戟丸 治小兒水氣浮腫腹脾氣血氣

大戟 葶藶 炒各一錢 青皮 三錢 江子 半錢

右為末飯為丸每五丸茶湯下如瀉後用人參白朮散補之

葶藶散 治小兒水腫

葶藶 隔紙炒 牽牛 炒 桑白皮 炒 檳榔 等分

右為末生薑蜜湯調下

聖丸子 治小兒水腫腹腫霍亂嘔逆腹冷食不下兩

脇痛並下痢膿血小便赤澀又理肺氣喘急咳嗽

右葶藶下痢松樹皮湯小便赤澀燈心湯喘急咳嗽

人參杏仁湯送下如痢後腫先腹益黃散次與之

二物湯 有患氣積急積久不瘥遂成水病攻面目身

從腰上腫此湯發汗悉愈

麻黃 去節 甘草 一兩

右咬咀三歲一錢水半盞煎三分去滓

構皮湯 治小兒腫滿

構木白皮

切五合即椴樹也

赤小豆

四合

赤茯苓

去黑皮一兩半

右呔咀每服一錢水七分煎至四分去渣溫服日更

再量免大小增減

桑根白皮散 治小兒水氣腫滿上氣喘促小便赤澀

大便稍難

一名猪尖湯一名海蛤湯

桑白皮

半兩

海蛤

一分

漢防已

一分

赤茯苓

白朮

甜葶藶

隔紙炒令紫色

猪苓

去黑皮各一分

川朴硝

一兩

右搗麤羅為散每服一錢水一小盞煎至五分去滓

溫服日三四服更量免大小加減服之

桑白皮散 治小兒水氣徧身腫滿喘促小便不利

桑根白皮

半兩

射干

赤茯苓

黃芩

木通

判

澤漆

澤瀉

漢防已

各半兩

右搗細末為散每服以煮赤小豆湯調下半錢每日

三四服看免大小加減服之

牡蠣散 治大病瘥後腰以下有水氣者宜服之

牡蠣煨 澤瀉 蜀漆洗炒 商陸 葶藶 海藻 菘

藪根各等分

右末三歲一錢燈心湯調下小便利止

赤茯苓散 治水氣腫滿咳嗽喘不止

赤茯苓 桑根白皮剉 貝母煨令黃 川升麻 甜

葶藶隔紙炒 杏仁湯浸去皮尖雙 桔梗各蘆各

右搗麤羅為散每服一錢水小盞煎至五分去渣溫

服日三四服量大小加減服

白朮散 治小兒水氣腫

白朮 木香炮 甘草炙 茴香炒 青皮浸去皮切 巴

豆三十粒去皮膜同青皮一處炒了仍去巴豆不用

右為末飯飲調下

茯苓丸 治小兒水氣面目腫小便澀腹脹滿

赤茯苓 杏仁湯浸去皮尖雙 陳橘皮湯浸去 漢

防己 紫蘇子微炒 甜葶藶隔紙炒令紫

右搗羅為末煉蜜和丸如菘豆大每服煎桑根白皮

湯下十九日三服五歲以下減丸服之

甜葶藶丸 治小兒水氣通身腫滿心腹妨悶坐卧不安

甜葶藶 隔紙炒 牽牛子 微炒 雄雀糞 各半 大戟 一分 巴

豆 十粒去皮心研 膩粉 一錢

右搗羅為末都研令勻用棗穰和丸如菉豆大每服以溫茶下一丸日二服五歲以上加丸服之

甘遂散 治小兒疳水通身虛腫狀如熟李者日夜不

睡卧

甘遂 炒 大黃 剉炒 牽牛子 炒各三錢 葶藶 紙上炒 檳榔 剉炒

右搗羅為散每服一錢熟水調下以利為度量兒大小加減

水寶散 治小兒疳水通身虛腫狀如熟李者

童子青橘皮 珠子甘遂 微炒

右等分為末三歲一錢用麥蘖煎湯點臘茶清調下食前通利為效忌鹹酸食三五日凡治腫下氣虛只

與五苓散

甘遂櫝榔散

甘遂 青皮 去白 陳皮 去白 櫝榔 一錢 生用

右末紫蘇木瓜湯點下忌服甘草藥積水疝水皆宜服之此候久而不痊必連陰腫脾腎俱壞之然如此已是危證不可取下只可利水道因脾土當用之五苓散和平胃散如麥門冬薑棗煎服一方無陳皮燈心蘿蔔子湯下脚腫木瓜湯下

又方 取水

右用錢氏益黃散去丁香加木香去訶子加蘿蔔子為細末大小以意加減煎湯調下或井花水調下尤妙

海蛤散 治小兒疝水腫滿氣急

澤瀉 海蛤 防己 各一分 苦蒲子 三十粒

右為末三歲一錢酒調下連進二服小便利即效

葶藶散 治小兒水氣腫滿

甜葶藶

隔紙炒

紫牽牛

畧炒取仁

白桑皮

炒

雞心檳榔

川大黃

各等分

右為末每服半錢水半盞薑三片蜜半匙煎湯調下

或煎大流氣飲研青木香丸灌下

裡豆根湯 治小兒氣腫滿小便澀

裡豆根

車前草

桑根白皮

各半兩

葵子

赤小

豆

各半兩

右細判和勻每服取一分水一小盞煎至五分去渣

分為二服日一二四服隨兒大小以意加減

猪苓散 治小兒水氣腫滿小便不利臍腹妨悶喘促

猪苓

去黑心

桑根皮

剉

赤茯苓

海蛤

甜葶藶

隔紙

炒紫色各一分

右搗麤羅為散每服一錢水一小盞煎至五分去渣

溫服日三四服量兒大小加減

木香散 治小兒水氣四肢浮腫腹脇妨悶

木香

赤茯苓

各一分

鼈甲

塗醋炙令黃去裙襴

川大黃

剉碎微炒

甜葶藶

隔紙炒

紫牽牛

畧炒取仁

白桑皮

炒

雞心槲榔

川大黃

各等分

右為末每服半錢水半盞薑三片蜜半匙煎湯調下

或煎大流氣飲研青水香丸灌下

裡豆根湯

治小兒氣腫滿小便澀

裡豆根

車前草

桑根白皮

各半兩

葵子

赤小

豆

各半兩

右細判和勻每服取一分水一小盞煎至五分去渣

分為二服日一二四服隨兒大小以意加減

猪苓散

治小兒水氣腫滿小便不利臍腹妨悶喘促

猪苓

去黑心

桑根皮

判

赤茯苓

海蛤

甜葶藶

隔紙

炒紫色各一分

右搗麤羅為散每服一錢水一小盞煎至五分去渣

溫服日三四服量兒大小加減

木香散

治小兒水氣四肢浮腫腹脇妨悶

木香

赤茯苓

各一分

鼈甲

塗醋炙令黃去裙襴

川大黃

判碎微炒

各半
牽牛子微炒
兩三分

右搗細末為散每服以溫水調下半錢以利為度隨
免大小加減

檳榔餅子 治小兒水氣四肢浮腫脹脇妨悶

檳榔分一郁李仁半兩湯浸
去皮微炒

右搗羅為末以大麥麩一兩和作餅子唐灰內煨熟
量兒大小與喫即得通利氣下也以溫水下之

冬瓜圓 治腫脹水氣

大冬瓜一枚先於頭邊切一蓋子取去中間穰不
用以赤小豆水淘淨填滿冬瓜中間再用蓋子合
了用竹簽定以麻線繫紙筋黃泥通身固臍穰乾
用糯米殼破取糠片兩大籬埋冬瓜在內以火著
糠內煨之候火盡取去泥利冬瓜令盡溥切作片
子並豆一處焙乾

右為細末以煮麩糊為丸如梧桐大每服五十九煎
冬瓜子湯送下不拘時候小便利為度

普濟方卷三百八十六

欽定四庫全書

普濟方卷三百八十七

明 周王朱橚 撰

嬰孩欬嗽喘門

總論

夫欬者警欬之欬俗謂之嗽肺主氣形寒飲冷傷之使氣上而不下而不收衝擊咽膈令喉中淫淫如痒習習如梗而欬也甚者連連續續不止坐卧不安引動百骸

聲聞內外矣皮毛者肺之合也皮毛受之寒氣從其合內外邪客之為嗽也楊氏曰肺為嬌臟外主一身之皮毛內為五臟之華蓋形寒飲冷嘬湯得寒燥氣鬱蒸嘬湯生熱為其易為冷熱而成欬嗽痰塞胃脘氣逆不下衝擊動肺與夫肺實肺虛皆能壅痰而發嗽也其證感風者鼻塞聲重停寒者涕清怯寒挾熱則焦煩受濕為壅滯瘀血則肺間腥悶停水則心下怔忡或實或虛痰之黃白唾之稀稠可知也治嗽之法肺脈實為氣壅內

熱而清利行之肺脈濡散為肺虛宜補肺以安之其間久嗽曾經解利以致肺胃虛寒飲食不進則用溫中助胃加以和平治嗽之劑調理然諸氣諸痰嗽喘之類雖用枳殼為佐此藥不獨寬中最能行其氣氣下則痰下他證自平矣 嗽者肺感寒八九月間肺氣大旺病嗽者其病必寒實非久病也其證面赤痰盛法當以葶藶丸下之若久者不可下也十一月十二月嗽者乃傷風欬也風從背脊第三椎肺俞穴也當以麻黃湯汗之有

熱證面赤飲水涎熱咽喉不利者宜兼甘桔湯治之若
 五七月間其證身熱痰盛唾粘者以禰銀丸下之有肺
 盛者欬而後喘面腫欲飲水有不飲水者其身即熱以
 瀉白散瀉之若傷風欬嗽五七日無熱證而作嗽者亦
 葶藶丸主之後用化痰藥有肺虛者欬而哽氣時時長
 出氣喉中有聲此久病也以阿膠散補之痰盛者先實
 脾後以禰銀丸微下之延退即補肺如上法有嗽而吐
 水或清涎水者以白祥丸下之有嗽而吐痰涎乳食以

白餅子下之有嗽而咯膿血者乃肺熱食後服甘桔湯
 久嗽者肺亡津液阿膠散補之而痰實不甚喘而面赤
 時飲水者可禰銀丸下之治嗽大法盛即下久即補之
 更量虛實以意增損東都藥舖杜氏云上歲自十月病
 嗽三月未止始得嗽而吐痰內外
風寒肺病嗽而吐痰風在中故也宜以麻黃輩發散後
 用涼藥壓之即愈時醫與鐵粉丸半夏禰銀丸諸法下
 之其肺即欬嗽屬肺經所主氣外屬皮毛腠理凡諸牙
虛而嗽甚兒嬰兒日夜切與保持毋令風吹腦顱背膝致使肺受
 寒邪欬嗽不已乃作熱多痰若被風吹即曰感受次第

傳之五臟虛處即所任入蓋初生兒氣微以得傳變良由頓動五臟有傷和氣五臟不和三焦不順故有傳變是以我生於一腎水也腎主虛邪生我在五脾土也脾主食吐逆虛痰四肢唇口我又生於三肝木也肝主風癩癩眼目尅我則二心火也心主驚恐悸頑涎血脈腫臉其嗽傳受或吐或嗽痰涎或厥冷或恐悸至眼目兩眶黑紫如被物傷成重發癩古人云久嗽成癩謂藥力不及候已傳過難可療理預當告之

儒門事親書誤中
涌法張板村塵子

春一小兒八歲夏月病嗽羸甚戴人飲涌之子春以為
兒幼弱懼其不勝少難之一日因共飲酒家人與之酒
傷多乃大吐吐定而嗽止蓋酒味苦
屬涌劑子春乃大悟戴人之言也

嗽
附論

夫小兒嗽者由風寒傷於肺也肺主風候之皮毛而俞在於背小兒解脫風寒傷於皮毛隨氣入於肺肺感微寒則嗽也故小兒恒須令背暖夏月亦須着單背褱若背冷得月內可治百日外嗽者十中止一兩人瘥矣

方

疹後欬嗽最未易治加減方 出永類
鈴方

人參 白朮 煨 白茯苓 桔梗 炒 防風 淨細辛

枳實 炒 欬花藥 杏仁 炒 五味子 粉草 炙 製半

夏 升麻

右各等分生薑桑白皮煎服

治百日内欬嗽 出如
宜方

宜天南星末薑汁調傅頂門又宜人參消風散薑汁

調傅顛此病盖因乳母鼻氣吹而成

竹瀝湯 出十
金方 治小兒出胎二百日許頭身患小瘡治

護小瘡復發五月中忽小小咳嗽微温和治之因變癩

一日二十過發四肢縮動背脊𦘔眈眼皮須臾氣絕良

久復蘇已與常治癩湯得快吐下經日不間爾後單與

竹瀝汁稍進一日一夕合進一升許發時小踈明日與

此竹瀝湯得吐下發便大折其間猶稍稍與竹瀝汁

竹瀝 五合 黃芩 三十
銖 木防已 羚羊角 各六
銖 大黃

普濟方

五

二兩 白朮 六銖半 茵芋 三銖半 麻黃 白薇 三銖半

半 葶藶 各半 甘草 各半

右咳咀以水二升半煮取藥減半內竹瀝煎取一升分服二合相去如人行五六里以來再進一合停許以進一服一方無葶藶

五味子湯 出干金方 治小兒風冷入肺上氣逆面青喘迫

咳嗽晝夜不息食則吐不下
五味子 當歸 各半 麻黃 乾薑 桂心 人參

紫苑 甘草 各六兩 細辛 欵冬花 各二銖 大黃 一兩半

白朮 六兩一錢

右咳咀以水二升半煮取九合去滓兒六十日至百日一服二合半一百日至二百一服三合其大黃別浸一宿下一方無欵冬花大黃有棗三枚

菖蒲丸 出干金方 治小兒暴嗽及積風寒冷嗽兼氣逆鳴

菖蒲 烏頭 杏仁 礬石 細辛 皂莢 各六銖
欵冬花 乾薑 桂心 紫苑 各十八銖淨 蜀椒 五銖淨

吳茱萸六合半

右為末蜜丸如梧子三歲兒飲服五丸加至十九十
丸止丸兒小以意減之兒大以意加之暴嗽數服便
瘥

貝母散出聖惠方

治小兒咳嗽心胸痰壅咽喉不利少欲

乳食

貝母煨微黃 桔梗去蘆頭 馬兜苓 百合 款冬花

半夏湯泡七次 乾薑 漢防已 麻黃去根節已 桂心

甘草半兩炙剉 杏仁半兩湯浸去皮尖雙仁麩炒麩黃如膏

右為散每服一錢以水一盞入生薑少許煎至五分

去滓溫服日三五服量兒大小以意加減

盆硝丸出聖總錄 治小兒哽氣咳嗽痰熱

盆硝 馬牙硝 甜硝 鉛白霜 丹砂 續隨

子 青黛 白礬燒汁盡 膩粉 龍腦 麝香各一錢

右並細研為末粳米飯為丸三歲已上如鷄頭實大
二歲已下如梧桐子大雨三箇月兒如小豆大一丸

並用茶湯送下

紫苑湯

出直指方

治小兒喘嗽

紫苑茸

貝母

真蘇子

微炒

北梗

陳皮

杏仁

水浸去皮焙黃

麻黃去節

赤茯苓

桑白皮

炒

甘草

微炙等分

右剉細每服一錢薑三片紫蘇并嫩梗佳水煎服

紫苑湯

出千金方

治小兒中冷及傷寒暴嗽或上氣咽喉

鳴氣逆或鼻塞清水出

紫苑

杏仁

黃芩

當歸

甘草

橘皮

去白皮

青木香

麻黃

桂心

各六銖

大黃

一兩一錢

右咬咀以水三升煮取九合去滓六十日至百日日兒

一服二合半一百日至二百日日兒一服三合

杏仁湯

出聖濟總錄

治小兒一切咳嗽解寒壅

杏仁

生去皮尖雙仁

知母

焙

貝母

去心盡

款冬花

仙靈脾

麻黃

去根節

人參

甘草

炙

赤茯苓

去黑皮

玄參

右粗擣篩每服一錢水七分煎至四分去滓溫服如

傷寒嗽入葱白鹽豉煎更量大小加減

百部飲 出金 嬰方

治小兒咳嗽喘急日夜不得睡目鮮如

欲出之狀

百部

生薑 各八錢 細辛 三錢 甘草 炙二錢 貝母 二錢

白朮

五味子 各二錢 桂心 四分 麻黃 二錢

右為末三錢歲一錢水半碗煎至三分去滓無時服

阿膠丸 出全 嬰方

治小兒久嗽肺虛氣粗有痰惡心可食

阿膠

一兩糯米一合 炒焦不用米 甘草 炙 蛤粉 炒 漢防已 各等分

杏仁

去皮 麩炒 款冬花 香白芷 馬兜鈴 各件等分 兩三錢

乾薑 一兩 二錢

右為末煉蜜丸如鷄頭大每服一丸水煎服一方有

乾葛無乾薑加味半夏茯苓湯一治痰嗽

半夏麩

二兩 三錢 茯苓 一兩 半 陳皮 五味子 各件二錢 桂

人參

北細辛 羌活 桔梗 去蘆 葶藶 各炒 一兩

右剉生薑桑白皮煎服

九寶湯 治一切嗽

北薄荷葉

紫蘇

大復皮

麻黃

去根 節

肉桂 去皮

桑白皮炙 杏仁去皮 陳皮 甘草炙

右吹咀薑棗煎服有痰加半夏

人參枳實湯指出直指方 治感冒嗽喘胸滿痰滯

人參一分半 枳實製 桑白皮炒 半夏製 赤茯苓二錢 桂

五味子 細辛淨 桔梗 麻黃去節 阿膠炒耐乾 甘草

炙各半兩

右剉散每服一錢薑三片紫蘇三葉水煎服凡治喘嗽不論其肺實肺虛可汗可溫可下藥中須用阿膠

便得安肺潤肺其性和平肺經藥

訶梨勒散出聖惠方 治小兒胸膈有寒或時嗽逆不欲乳

食

訶梨勒一兩炒 白朮半兩炒 五味子 麥門冬去心盡

白茯苓 甘草炙 人參 陳皮湯浸去白 細辛各半兩

右件為散每服以水一小盞煎至五分去滓不拘時候溫服大小加減服之

治小兒咳逆喘息如水鷄聲一名七味半夏湯出千金方

半夏四兩 紫苑 桂心 生薑 細辛 阿膠

甘草各二兩 款冬花二合 蜜一合

右咬咀以水一斗煮半夏取六升去滓內諸藥煮取

二升五合五歲兒服一升二歲服六合量大小多少

加減服之

射干湯出千金方 治小兒咳逆喘息如水鷄聲

射干 麻黃 紫苑 甘草 生薑各一兩 半夏五枚

桂心五寸 大棗二十枚

右咬咀以水七升煮取一升五合去滓內蜜五合煎

一沸分溫服二合日三

八味生薑煎出千金方 治少小嗽

生薑七兩 乾薑四兩 桂心二兩 甘草 款冬花

紫苑各三兩 杏仁一升 蜜一升

右合諸藥為末微火上煎取如飴舖量其大小多少

與兒含咽之百日小兒如棗核許日四五服甚有驗

杏仁煎 治時氣暴嗽失聲語音不出

杏仁 三兩去皮研細 桑白皮 生薑 取自然汁 糖蜜 各一兩 肉桂

木通 貝母 各一兩 紫苑茸 五味子 各一兩

右將桑白皮木通貝母紫苑茸五味子咬咀以水三升慢火熬取一升去滓再入杏仁砂糖蜜薑汁和一處熬成膏子用罐盛旋含化

麻黃丸

麻黃 二兩 甘草 人參 知母 去心各二兩半 陳皮 一分半

桔梗 阿膠 炒 百部 各半兩

右為末三歲一錢水半盞煎三分服

參杏膏 出全嬰方 治小兒久新咳嗽氣急惡心有痰可食

咯血

人參 阿膠 炒 杏仁 麩炒 欵冬花 五味子 各等分

訶子 炮去核 貝母

右等分為末煉蜜丸如鷄頭大三歲一丸白湯下千金治咳逆短氣胸中汲汲咯涎吐唾嗽出臭膿用淡竹瀝再煎沸一歲一藥注

潤肺湯 出衛生寶鑑

治小兒塞壅痰涎咳嗽不止相交肺氣

不利咳嗽喘急語聲不出痰涎壅塞胸膈煩悶鼻塞清涕咽喉乾痛

麻黃 去根節煎 人參 各二兩 杏仁 湯浸去皮尖雙仁炒 紅花

貝母 去心各二兩半 甘草 炙一兩 陳橘皮 去白焙 桔梗 炒

阿膠 炒令燥各半兩

右八味粗擣篩每服一錢水七分煎至四分去滓溫服不拘時候量記兒大小加減

百合湯 出醫方妙選

治小兒調肺解風壅

百合 紫苑 白朮 人參 各一兩 白茯苓 三錢半 桂

青皮 甘草 麥門冬 去心各半兩

右為細末每服一錢以水八分竹葉三片薄荷兩葉煎至五分去滓溫服

人參散 出聖惠方 治小兒咳嗽心胸壅悶喘粗不欲乳食

人參 三分 桔梗 去蘆頭 赤茯苓 麥門冬 去心盡微焙乾黃

前胡 去蘆頭 子苓 款冬花 甘草 炙已上各半兩

右件藥搗為散每服一錢以水一小盞入竹葉七片煎至五分去滓量兒大小以意加減溫服

天門冬散 出聖惠方 治小兒心胸煩悶體熱咳嗽

天門冬 去心焙 桑根白皮 赤茯苓 柴胡 去苗揀盡製

紫苑 洗去苗土 百合 藍葉 甘草 炙各半兩

右件藥為散每服一錢以水一小盞入生薑少許煎

又方

款冬花 甘草 炙微赤剉 紫苑 先去苗土 麻黃 去節 川

貝母 煨黃乾 麥門冬 去心焙 赤茯苓 杏仁 湯浸去皮尖麩炒黃

細研已上各半兩

右件藥為末入杏仁研令勻煉蜜和丸如菜豆大每服以清粥飲研化伍丸服之量兒大小以意加減

紫苑散 出全嬰方 治小兒咳嗽上氣喉中如水鷄聲

射干 紫苑 款冬花 各三兩 麻黃 四兩 細辛 二兩

半夏 半兩洗淨 五味子 六兩二錢

右改咀三歲一錢水半盞薑棗少許煎三分去滓無

時服

均氣散 出醫方大成

治脾肺氣逆喘嗽面浮胸膈痞悶小

便不利

桑白皮 二兩 陳皮 去白一兩半 桔梗 甘草 炙乾黃剉 防風

赤茯苓 各一兩 霍香葉 半兩 木通 四兩

右為粗末每服一錢水一盞入生薑二片煎至五分

去滓食煎溫服

金沸章散 治傷風鼻塞流涕痰壅熱嗽

荆芥穗 一兩 麻黃 去節 北柴胡 旋覆花 各五錢 製

半夏 湯泡 赤芍藥 甘草 已上各二錢半

右剉生薑桑白皮煎食後服

小品七物小五味子湯 出聖惠方 療少小咳嗽腹脹兼治

上氣睡卧不安

五味子 碎 紫苑 各二分 黃芩 甘草 炙 麻黃 去節使盡淨

生薑 桂心 各一分

右藥改咀以水一升煮取七合分五服忌如常法量

兒大小以意加減

杏仁膏

出直指方

治小兒久患咳嗽

杏仁 一兩半 去皮焙

茯苓 一兩

紫苑茸 二錢

皂角

去皮弦核

蜜炙黃各

兩半

右末每服半錢生蜜調入薄荷湯炮開服

四生化痰丸

治一切咳嗽

人參 一兩 三錢

半夏

杏仁 各一兩

白礬 六錢

半

右為細末麵糊為丸如桐子大每服五十九丸用漿水

煮三五沸澄清出藥用煑藥候溫送下食後忌濕麵

魚腥生冷物專治遠年日近一切咳嗽不止者服之

立效

菰蘆煎

出聖惠方

治小兒咳嗽不止心神煩悶

菰蘆 一類熟者去以童子小便一升相和研絞取汁

酥 一兩

甘草 一分生

為末

蜜 三兩 二錢

右以銀鍋子中慢火煎如稀餳每服以清粥飲調下

半錢日四五服大小以意加減

瀉白散 又名瀉肺散 出全嬰方

治肺受風熱傷風肺經壅盛咳

嗽氣急飲水喘悶及胸膈短氣喘嗽痰涎壅塞唇深絕

色者並宜服之

甘草 炒半兩 桑白皮 炒黃一兩 地骨皮 洗去土焙一兩

右為末每服一二錢水一中盞入粳米百粒同煎至

六分食後溫服

百部丸 出全嬰方 治小兒肺塞壅嗽微喘有痰

百部 炒乾秤 麻黃 去節洗作末各三分 杏仁 四十箇去皮尖微炒煮三五沸研入

右和勻熟蜜丸如皂子大溫水化下二三丸無時日三四丸加菘子仁五十箇同杏仁沙糖丸之含化大妙或嚼喫亦得

人參散 一名敲枕散 累驗

人參 去蘆頭 款冬花 罌粟殼 去穰米漿塗炙研各等方

右咬咀大人每服五錢阿膠一斤烏梅一箇煎至七

分去滓睡裏敲枕令覺勿語叫起服藥即睡取効如

神小兒臨卧加減服

雄朱丸 出全 嬰方

治小兒咳嗽有潮熱

雄黃 一錢 半 巴豆 七粒 去方 半夏 半兩 湯泡

右為末糊丸小豆大一歲二丸薑湯下如小兒咳嗽

生薑四兩煎湯浴兒

生銀丸 出全 嬰方

治小兒咳嗽痰盛

半夏 一兩 薑湯 泡七次 白礬 二兩 煨 寒水石 六兩 煨

右為末丸小豆大二十九薑湯下一方加硃砂半兩

名金銀丸一方加雄黃半兩名流金丸一方加青黛

三錢名靈青丸

紫苑丸 出全 嬰方

治小兒新咳嗽氣急

紫苑 二錢 半 款冬 三錢 半 甘草 炙一錢

右為末煉蜜丸如鷄頭大三歲一丸白湯化下

鵝石散 出全 嬰方

治小兒咳嗽涎盛不通喉中鳴響

鵝管石 一錢 半 井水石 三錢 半 硃砂 半錢 道地

右為末三歲一字杏仁湯調下一方無硃砂亦効又

方用雄黃 半錢 淨 鵝管石 錢半 淨 井水石 三錢 半 又方青黛

一字同二石為末

肉湯丸 出全 嬰方

治小兒咳嗽痰涎不通氣急或痰壅成

塊此藥宜壯實小兒應用熱嗽與之吐涎後以人參半

夏丸此藥能吐人久嗽胃寒膜服

銅青末 一錢半 皂角末 大黃末 各二錢

右為末拌和糊丸如小頭大三歲十九肥猪肉湯下

忌酸鹹一方用油餅麵和丸專治小兒咳嗽無論新

久服之立效

桔梗防風湯 出經驗 良方

治風熱咳嗽咽膈不利

桔梗 甘草 防風 各二兩

右咬咀每服三錢水一盞煎六分温服

紫苑散 出聖 惠方 治小兒咳嗽氣急

紫苑 去土 盡 貝母 去心 各半兩 款冬花 一分半

右搗羅為散每服一字至半錢用生薑米飲調下更

量兒大小加減一方水煎服一方取如豆大著乳頭

令兒和乳服乳母勿食大鹹醋物又方劇者與芎藭飲子

入少大黃令微下佳

五味子湯 出聖濟總錄

治小兒暴嗽

五味子

桂去粗皮

甘薑炮等分

右粗搗篩每服一錢水七分煎至四分去滓量大小

加減溫服之

金黃散 出聖濟總錄

治小兒咳嗽

欝金

一兩入防風去又皂莢各半兩巴豆四十枚用河水兩碗煮水盡不用三味只取欝金為

未甜硝 研雄黃 研各半兩

右搗研為散每服一字煎蟬蛻烏梅湯調下量兒大

小加減

香枳散 一名蛤粉散出全嬰方

治小兒胃虛噦逆咳嗽吐乳食

不因傷風得嗽各胃嗽

藿香

二十葉

枳殼

二片濕紙裏焙

蚌粉

一塊如枳殼大

右搗羅為散每服半錢蜜米飲調下更量兒大小加

減

三灰散 一名犀灰散出王氏博濟方

治小兒咳嗽

巴豆 去殼 盡 杏仁 去尖 盡 半夏 等分 製

右藥用瓷合盛以赤石脂閉口炭火煨令透赤取出
放冷細研二歲兒每服半錢淡生薑湯下更量大小
加減大人咳叔薑湯下一字

半夏丸 出聖濟 總錄 治小兒痰嗽

半夏 七枚取大者湯洗七遍 切生薑汁一宿取出焙 定粉 研 白礬 燒令汁 盡各一

右搗羅為末麵糊丸如麻子大濃煎白茅根湯下三

丸量兒大小加減食後服

注脣散 出聖濟 總錄 治小兒涎嗽不止

防風 肥實者握去又半夏七枚鬱金一枚並椎碎 猪牙皂莢三條剉用水一碗煮盡為度只取
防風 切 焙為末 滑石 碎 白殭蠶 炒一味為 末各一錢

右用研勻每服一字用蜜調塗在兒脣上令兒吮喫

消礬散 出德生堂 經驗方 治小兒熱嗽

馬牙硝 白礬 各半 斤 鉛丹 一分 半

右同研入合子用泥固濟火燒合紅覆潤地一夜加

龍腦半錢同研每服一字甘草湯下更量大小加減
或入瓶內燒亦可

人參荆芥散 出濟生 按粹方 治身熱痰嗽胸膈不利宜下膈

去熟

人參 半兩 道地 半夏 荆芥穗 一兩 二錢 大黃 二錢 半

右為細末水煎調檳榔木香細末半錢輕粉一字乳
後服如身熱朝熱宜服清涼飲子去大黃三服之後
一兩日却入大黃服之令疎利則愈不可便先動臟

腑

葶藶散 出聖 惠方 治小兒咳嗽喘粗不得睡卧

甜葶藶 一分 膈紙 炒令紫色 桂心 半分 淨 貝母 一分 煨黃

右搗為散每服以清粥飲調下半錢量兒大小以意

加減

治小兒咳嗽喘粗不得睡卧 出聖 惠方

杏仁 十枚 湯浸 去皮尖

用童小便浸一宿取出麩炒微黃入煎水半小盞爛

研去滓三二歲以下分為三服

不灰木散 出聖 惠方 治小兒咳嗽不止

不灰木 用牛糞火燒令通赤 貝母 煨令黃 甘草 炙赤剉已上各半兩

右為散每服一錢以新汲水一盞點生油一兩滴打令散煎至五分去滓分溫二服日四服量兒大小以

意加減

杏仁煎 出聖 惠方 治小兒咳嗽聲不出

杏仁 二兩湯浸去皮尖淨入水一大盞研取汁 酥 一合 蜜 一合半

右先以杏仁汁於鑊中以重湯煮減去半入酥蜜又重湯煮二十沸入貝母紫苑末合一分甘草末半分更煎攪如餳收盛瓷器中每服以清粥飲調下半錢日三服夜一服嗽止為度量大小以意加減

又方 出聖 惠方

貝母 半兩煨 牛黃 一錢細研 甘草 一分炙微赤剉

右細羅為散每服溫水調下半錢日三四服量兒大小加減服之

又方 出聖惠方

杏仁 一兩湯浸去皮尖 紫苑 半兩燒去苗為末

右以杏仁汁并紫苑末入蜜一合煎同如膏每服以

清粥飲調下半茶匙量兒大小以意加減

玉霜丸 出全嬰方 治小兒咳嗽涎盛咽喉不利

粉霜 半兩 半夏 薑汁浸一宿一兩

右為末白糊丸如芥子大三歲三丸薑汁湯下

桂杏丸 出全嬰方 治小兒咳嗽聲啞如瘡豆聲噤不可用

桂心 去皮一錢 杏仁 去皮尖三錢

右為末煉蜜丸如鷄頭大三歲一錢白湯化下亦治

嗽血

人參散 出醫集成 治咳嗽發熱氣喘面紅

人參 天花粉 各等分

右為末每服半錢蜜水調下

治小兒壅嗽 一名薑蠶散

白殭蠶 半兩直者水浸刷盡灰焙乾 皂莢子 不蛀者五十箇

右水一碗浸皂莢子一夜次日于沙銚內慢火熬取
濃汁半盞去皂莢以殭蠶蘸灸汁盡為度碾細末煉
蜜調成膏候小兒睡着以膏上自嚙下即效

貝母 出百選方

治小兒咳嗽喘悶上壅痰嗽

貝母 去心 麩炒 淨 生用

右每分為末每服半錢米飲調下牙兒以一字塗乳
上飲之一方入牛黃少許煎服

治小兒嗽

出經驗良方

蟬蛻 鬱金

右等分為末每一字乳頭大上點喫

甘桔湯治兒下嗽

甘草 苦桔梗 淨 等分

右水煎服一方加人參杏仁葶藶煉蜜為膏安乳上
與兒食

延胡索散 出聖濟總錄

治小兒涎嗽

延胡索 半兩 淨 鉛白霜 研一分

右搗研為散和勻每服一字塗乳上令兒啞喫

金井散 治小兒脾肺壅毒肺損吐咳嗽

以金井石為末三歲一字藕汁入蜜調下

治小兒咳嗽

用生薑四兩煎湯沐浴

治小兒大人咳逆短氣胸中吸吸呵出涕唾嗽出嗅膿

用燒淡竹瀝煮二十沸小兒一服一合日五服大人

一升亦日五服不妨食息乳哺

雄朱丸 治小兒咳嗽墜痰

以葉子雄黃銀鍋內熬成汁為末飯為丸如小豆大

一歲一丸杏仁湯下

治久嗽百藥不效隨手驗

用款冬花不拘多少為末用一食甌作香爐只盛炭

半甌將藥投甌內燒上以紙掩之或酒漏蓋定煙自

竅中出口吸煙旋嚥之如久咽乾用薑蜜湯數口下

即止仍忌魚腥海味生冷物

獨勝散 治小兒久嗽咯唾鮮血

用天花粉即瓜蒌根不以多少為末每服用一錢蜜

湯調下無時

蜂房灰散 治小兒咳嗽

以露蜂房二兩淨洗去蜂窠及泥土以快火燒飯湯

調下

乳頭散 治嬰兒喫乳多嗽并諸咳

用甘草大者一寸健猪膽一箇合炙乾為末少許乳

頭上令兒啞茶清調下亦得

貝母散 治小兒肺感寒邪咳嗽喘急睡卧不安

貝母 炮 甘草 炙 紫苑 茸 上三味 各半兩 麥門冬 一兩二錢 去心盡

杏仁 一兩湯浸去 皮尖合粉炒

右件咳嗽每服二錢水半盞煎至六分去滓溫服食後

香零散 治小兒咳嗽喘急腹脇脹硬全不思食

黑牽牛 微炒 水香 馬兜苓 各等 勿焦

右件為咳嗽每服一錢水一小盞煎至五分去滓溫

服不拘時候

衮涎丸 治小兒風涎壅盛咳嗽喘急

天南星 炮半夏 漫火炮製生薑二兩 取汁浸一宿焙乾 白殭蠶 炒去心上

三味各一兩 猪牙皂莢 一分去皮 弦黃色炙

右件為細末煉蜜和丸如黍米大每服一十九茶清送下乳食後服

鐵液散 治小兒肺經積熱涎盛咳嗽睡卧不安

鐵粉 三錢半 馬牙硝 四錢半 蛤粉 一兩二錢

右件為細末每服一字溫蠶汁調下乳食後臨卧服

溫肺湯 治小兒當風脫著挾寒傷冷内外合邪客於

肺臟因火嗽氣急睡卧不安

人參 去蘆頭 白茯苓 去皮 白朮 三味各一兩 杏仁 湯浸去皮尖蛤粉燒

陳橘皮 去皮 甘草 炙 五味子 上四味各半兩

右件改咀每服二錢水半盞煎至三分去滓放溫乳食後服

五香半夏丸 治小兒膈脫痞悶氣不升降咳嗽喘滿

嘔吐惡心不思飲食

沉香 檀香 丁香 木香 肉豆蔻 麵裏微煨香

陳皮 去白已上六味各三錢半 藿香葉 去土半兩 人參 去蘆頭盡半兩分 製

半夏 生薑汁浸一宿炒黃三錢

右件為細末生薑汁煮麵糊為丸如黍米大每服二十丸溫生薑湯送下乳食後臨睡

塗脣膏 治襁褓小兒咳嗽吐乳久不瘥者

石燕子

右一味搗為細末每用一捻蜜少許調如麵糊塗兒脣上每日三五次不拘乳食前後

貝母散 治乳下嗽不已

貝母 三錢半 細辛 二錢半 人參 三錢半 訶子 三錢半揀選盡 桂心

杏仁 去皮尖二錢 川芎 二錢半 罌粟殼 去浮楞二錢 百部根 二錢

粉草 二錢半

右為散每服一錢乾肺少許同煎

清肺丸

人參 三錢半 桑白皮 三錢半 馬兜苓 三錢半 杏仁 二錢三分半心

糯米 七十粒 阿膠 三錢 苦梗 三錢半 甜葶藶 三錢半 生

甘草 二錢半 苦葶藶 二錢半

右為末先用百部根降蜜煮糯米粥搗爛成丸如指

頭大每服一丸乾柿湯下

款冬花散 出傳氏活嬰方

苦葶藶 杏仁 甘草 各一錢 款冬花 蜜炒一錢

右為末乾柿沙糖煎湯下加咳嗽稍疎但用紅綿散

表瘡則安然也

貝母散 出傳氏活嬰方 治咳嗽

麻黃 去節半兩 杏仁 去皮尖炒 人參 各三錢 知母 貝母 炒去心

甘草 各半兩 石膏 煨一兩

右改咀每服用蜜薄荷少許同煎溫服

三黃 出王氏小兒方 治嬰孩小兒咳嗽有痰并解諸般藥及

上焦壅熱身上生瘡消疔氣

雄黃 研細末 鬱金 焙各一錢 巴豆 三箇去殼不去油

右為未用爛飯丸如粟米大每服嬰孩三九半歲五
丸一歲七九飯飲吞下薄荷湯亦可

咳逆上氣

夫小兒咳逆上氣者肺經有寒也肺者氣之主處于膈
上小兒啼呼未定因以飲乳與氣相併停滯胃膈飲乳
射肺冷嗽而氣逆故為之咳逆或由肺挾風冷乳哺不
節難經云形寒飲冷則傷肺此之謂也

方

桔梗飲

出聖濟
總錄

治小兒上氣咳嗽不得安也

桔梗

剉炒
一兩

貝母

去心
盡

白茯苓

去黑
皮

五味子

製揀
淨

真

大青

吳藍

人參

各三
分

甘草

炙剉
兩半

桑白皮

三
錢

右粗搗篩每服一錢水八分煎四分去滓食後溫服

量大小加減

杏仁煎丸

出聖濟
總錄

治小兒咳逆上氣

杏仁

去皮尖
雙仁研

紫苑

去苗
土

款冬花

炒各
一兩

麻黃

去根節
八兩

五味子

桂

去粗皮
各半兩

甘草

炙剉

乾薑

炮各
二兩

右除麻黃杏仁外搗為末水一斗先煎麻黃至六升
 去滓下杏仁更煎至三升內諸藥及飴糖四兩蜜八
 兩于漫火上攪不停手熬令可丸即丸如大豆大五
 六歲兒每服二丸食後溫熟水化下日三紫蘇湯
 紫蘇散出錢氏方 治小兒咳逆上氣因乳哺無度內決風
 冷傷于肺氣或啼未定與乳飲之乳與相逆氣不得下

- 蘿蔔子 紫蘇子 訶子去核 杏仁去皮 木香
- 人參切去頭 青橘皮 甘草剉各一兩半

右為末每服三歲一錢水一盞生薑二片煎五分去
 滓不計時量大小加減

紫苑散出聖惠方 治小兒咳逆上氣痰壅不欲乳食

- 紫苑半兩 甘草三分 五味子 黃芩 麻黃去節
- 桂心 半夏湯洗一次去滑 只殼麩炒各一分

右為散每服一錢以水一盞入生薑少許煎至五分
 去滓不拘時候分為三服量兒大小以意加減

人參散出聖惠方 治小兒咳逆上氣乳食即吐

人參去蘆頭半夏湯洗七次去滑紫蘇子各半兩桂心三錢二分

紫苑洗去苗土甘草炙款冬花 陳皮湯浸去白焙各一兩

右為散每服一錢以水一半盞入生薑少許煎至五

分去滓不計時候溫服量兒大小以意加減

七味半夏湯出聖濟總論 治小兒上氣咳逆不止出本門咳嗽類

紫蘇飲子出聖濟家藏方 治小兒咳嗽涎盛胸膈不利上氣

喘息及瘡疹後餘熱蓄于肺經久嗽不止

紫蘇葉 人參去蘆頭防風去蘆頭桑白皮炙黃桂心剉細

麥門冬去心紫苑焙六味各半兩甘草二錢半

右咬咀每服二錢水一小盞生薑一片煎至五分去

滓溫服乳食後

治小兒大人咳逆上氣出千金方

半夏二斤去皮河水洗六七度完用白礬一斤為末丁香 甘草炒微黃

草豆蔻 川升麻 縮砂各四兩粗搗

右以好醋一斗與半夏拌勻同煮春冬三七日夏秋

七日密封口日足取出用冷水急洗風吹乾每服一

粒嚼破用薑湯下或乾喫候下十日乾方得服一方
用好酒不用醋

麻黃湯

出聖濟
總錄

治小兒咳逆喘息如水鷄聲亦治咳

嗽心胸痰壅攻咽喉作呀呻聲

麻黃

去根節煎
去沫焙

射干

紫苑

去苗

甘草

炙剉各
一兩

桂

去皮
半兩

半夏

五枚生薑湯
洗十遍炒

右粗搗篩五六歲兒每服一錢水一盞棗一枚生薑
少許煎至五分去滓內蜜半錢更煎三沸食後溫服

日三量兒大小加減

半夏散

出聖
惠方

治小兒咳逆上氣心胸壅不欲飲食

紫苑

去苗
洗淨

五味子

揀淨

半夏

湯炮
七次

甘草

炙各
五兩

肉桂

去
皮

細辛

去苗各
二兩

右為末三歲兒每服一錢水一盞入生薑一片煎至
五分去滓溫服不計時候量兒大小加減服

生乾地黄散

出聖
惠方

治小兒寒熱咳逆上氣逆瀆膈中

有痰養乳

生乾地黄

用半兩

杏仁

湯浸去皮尖雙仁麩炒黃

麥門冬

去心盡微焙乾揀

五味子

川大黃

剉黃炒各半兩

硝石

一分

右為散每服一錢以水一小盞八密半匙頭煎至五

分去滓不計時候溫服量兒大小加減

款冬花丸

出聖惠方

治小兒咳逆上氣晝夜不得睡卧

款冬花

一分

紫苑

一分洗去苗土

伏龍肝

一分

桂心

半兩

紫蘇子

一分

右為末煉蜜丸菜豆大不計時候溫水化破三丸服

之量兒大小以意加減

吳茱萸湯

出聖濟總錄

治小兒咳逆

款冬花

炒一兩

射干

一兩

紫苑

去苗土一兩

吳茱萸

湯洗五次炒二兩

桂

去粗皮半兩

右粗搗篩每服一錢水一盞生薑一棗大煎至五分

去滓分溫三服更量兒大小加減

五味半夏湯

出聖濟總錄

治小兒咳逆上氣

紫苑

去苗土

細辛

去苗葉

阿膠

炙令燥

桂

去粗皮盡以上各二兩二錢

半夏 二兩生薑湯洗十次

右粗搗篩每用一錢水一盞煎至六分去滓分溫三服空心午間日晚各一更量兒大小加減

前胡丸 治小兒咳逆上氣喘滿氣促調順胃氣進益飲食

前胡 去苗 人參 半夏 湯浸去滑七次切焙 白朮 各一兩 丁香 一分

右為末用生薑自然汁煮麵糊丸如菉豆大小每服五丸至七丸食後卧時生薑湯下

桂心橘皮湯 治小兒五六日不食氣逆

成擇薤 五兩 人參 半兩 橘皮 半兩 黍米 五合 桂心 半兩

右咬咀以水七升先煮藥煎取二升次下薤米熟藥成稍稍服之

射干散 出聖惠方 治小兒咳逆上氣大小便滯澀

射干 木通 麻黃 去根節 桂心 半兩 川大黃 一分炒

右為散每服一錢以水一小盞煎至五分去滓不計時候分為二服量兒大小以意加減

細辛散 治小兒咳逆上氣心胸壅悶

細辛 半兩 枳殼 半兩 甘草 炙 麻黃 去節 杏仁 三十枚
湯浸去

皮尖

右為散每服一錢以水一小盞生薑少許煎至五分去滓不計時候溫服量兒大小以意加減

紫苑散

出聖濟總錄

治小兒咳逆上氣喉中有聲不通利

紫苑 去聖土 杏仁 去皮尖 細辛 去苗 款冬花 各一兩

右搗羅為散二三歲兒每服半錢米飲調下日三更

量大小加減

一字散

出聖惠方

治小兒咳逆上氣喘急定命

乾蝦蟆 一枚炙 葶藶子 隔紙炒 五靈脂 杏仁 湯浸

去皮尖雙仁 麩炒黃

右各別為散各抄一錢調和令勻每服一清粥飲調

一字服之

射干湯

出聖濟總錄

治小兒上氣喘息如水雞聲

射干 一兩 半夏 湯浸洗七遍焙一兩 桂 去粗皮

右粗搗篩五六歲每服一錢生薑少許煎至四分去

滓熱服日三更量兒大小加減

杏蜜煎

名杏仁丸
出千金方

治小兒大小咳逆上氣

杏仁

去皮尖雙仁
生研如膏

蜜各二兩

右和勻於銀石鍋慢火熬成煎旋丸三歲兒每服如

菜豆大一丸溫水化下更量兒大小加減 一方杏

仁三升蜜一升熟搗如膏令咽之 一方杏仁三升

去皮尖炒令黃如膏又將一分杵熟止先食含之含

仁嚥汁

劉氏療小兒上氣急滿坐卧不得

鱉甲

一兩炙令橘
熟搗為末

燈心

一握

右以水二升煎取八合以意量之與服

備急杏仁湯 療少小咳嗽上氣

麻黃

八分
去節

杏仁

四十枚
去尖皮

右切以水一升煮取七合去滓分服百日小兒患熱

氣急不得服小便赤黃服之甚良大人孩童以意量

之

甘草丸

出聖惠方

治小兒未滿百日咳嗽上氣

甘草 半兩

桂心 一分

杏仁 一分湯浸去皮尖雙仁麩炒微黃研如膏

右為散入杏令勻鍊蜜和丸如棗豆大每服以乳汁

研化三丸

順肺湯

醫方妙選

治肺不利咳嗽

紫蘇葉

半夏

湯洗七次各一兩

五味子

欬冬花

揀盡用

橘皮

桂心

木香

各半兩

右為細末每服一錢水八分生薑人參各少許煎四

分服之

杏仁煎

出聖惠方

治小兒咳嗽心煩喘麓

杏仁

一兩湯炮浸去尖雙仁麩炒黃色

寒食餠

一兩

蜜

一兩

黃汁

一大盞

貝母

半兩煨黃

天門冬

一兩去心

右搗研杏仁如膏次用地黃汁煎貝母天門冬至五

分便研絞取汁入杏仁膏等同和如稀餚溫水調下

半錢量兒大小加減

治小兒寒熱咳逆膈中有癖乳若吐不欲食 千金方

乾地黄 四兩 麥門冬 五味子 蜜 各半 大黃 硝

石 各一兩

右咬咀以水三升煮取一升去滓硝石蜜煮令沸服

三合日三胸中當有宿乳汁一升許出大者五合

阿膠散 又名補肺散 治小兒咳嗽氣急有痰惡心肺氣虛

怯唇白色悶乳氣麓喘促哽氣長 皆肺出氣 虛損故也宜補

全嬰方

阿膠 一兩半 麩炒 黍粘子 一箇 炒香 馬兜苓 半兩 焙 甘草 一分 炙

杏仁 七箇 去皮尖 糯米 一兩 炒

右為末每服一二錢水一盞煎至六分食後溫服

蘆筒散 全嬰方 治小兒久新咳嗽氣急有痰或咯血

款冬花 官桂 去皮 鵝管石 井泉石 甘草 炙微黃

白礬

右為末三歲一字藕汁調下杏仁湯亦得十歲已上

蘆筒內吸之

人參半夏湯 衛生寶鑑方

治肺胃受冷咳嗽氣急胸膈滿

痞候中呀呷嘔吐涎沫乳食不下

半夏 湯洗七次切焙 厚朴 去皮薑汁製 丁香 各四兩 陳皮 去穢 人參

細辛 去苗各二兩

右為末用生薑汁打麵糊為丸如麻子大三歲兒每

三十丸生薑湯下食後服量兒大小加減

杏仁湯 出聖濟總錄 治小兒咳嗽汗出

杏仁 去皮尖雙仁炒四十九枚 皂莢 去皮酥炙一挺 甘草 生用 蛤粉

各一兩 惡實 炒半分 紫苑 去苗一分

右粗搗篩每服半錢水半盞入薤汁少許煎三五沸

去滓溫服量兒大小加減

人參湯 出聖濟總錄 治小兒肺經感寒語聲不出

人參 甘草 炙 黃明膠 炙燥各一分 麻黃 去根節 杏仁 湯浸

去皮尖 貝母 去心各半兩

右粗搗篩每服一錢水七分入糯米少許同煎至四

分不計時候去滓量大小加減溫服

杏仁煎丸

出聖濟總錄

治小兒咳嗽

杏仁

去皮尖雙仁生研四十九枚

皂莢

推碎半挺

栝樓

大者一枚

生百部

一兩四味并用水援搗絞取濃汁後同入銀石器內漫火熬成膏

犀牽牛

搗細末一兩

木香

半分

右為末入前四味膏內和丸如菜豆大每服三九至

五丸糯米飲下量兒大小加減

貝母飲

出聖惠方

治小兒咳嗽亦治咽喉不利狀如呀者

貝母

去心麩炒

麻黃

去根節煎掠去沫焙

紫苑

去苗土

甘草

炙乾各等分

杏仁

湯浸去皮尖雙仁炒三分

麥門冬

去心焙半兩

養肺湯

出醫方妙選

溫養肺胃

紫苑

洗去土焙乾

半夏

湯浸七遍

款冬花

阿膠

各一兩

人參

桂心

各半兩

右為細末每服一錢水一小盞生薑二片糯米五粒

煎至五分滓溫服

木香半夏丹

出醫方妙選

治胃寒咳嗽

木香

半夏

湯洗七次焙乾

肉豆蔻

各一兩

藿香葉

丁香

白朮 各半

右為細末取生薑自然汁和如黍米大每服十粒煎人參湯下量大小加減

貝母湯

出醫方妙選

治肺中風咳嗽喘滿

貝母 炒半夏

白礬湯浸七次焙

乾薑 麻黃 款冬花

甘草 各半

右為細末每服一錢水一小盞生薑三片杏仁三箇去皮尖同煎至五分去滓溫服

白朮五味湯

出醫方妙選

治咳嗽氣逆上喘

五味子

白朮

丁香

人參

款冬花

各五錢二分

細辛 一分

右為細末每服一錢水八分生薑三片煎至四分去滓時時呷之

馬兜苓丹

出醫方妙選

治肺壅咳嗽大便不利

馬兜苓

紫蘇子

人參

各一兩

木香

款冬花

各半

杏仁

一兩湯浸去皮尖細研

右同拌勻煉蜜和丸如黍米大每服十粒煎生薑湯下量兒大小加減

桑白皮粥 出傳氏活嬰方 治肺痿咳嗽吐痰

桑白皮 洗淨去皺皮以水煮二三升 糯米 猪肺 杏仁 去皮尖

花椒 茴香

右煮作粥五更初喫

麥門冬湯 出醫方妙選 治傷寒未除咳嗽喘息

麥門冬 款冬花 人參 紫苑 各一兩 桂心 半兩淨

甘草 一分

右為末入杏仁二十粒麩炒去皮尖細拌研勻每服一分水一盞入生薑三片煎至五分去滓溫服

竹茹丹 出醫方妙選 通肺治喘

竹茹 枇杷葉 人參 半夏 湯浸七次 紫苑 天南

星 炮各半兩

右為細末生薑汁和如黍米大每服十粒生薑湯下量大小臨時加減

蟬殼散 出聖惠方

治小兒咳嗽壅痰不欲乳食

蟬殼 微炒 桔梗 去蘆 人參 去蘆 甘草 炙以上各二分 半夏 湯炮七次

右為散每服用生薑粥飲調下一字日三五服量大

小以意加減

桔梗散 治小兒卒得咳嗽吐乳

桔梗 一分去蘆 紫苑 半兩去苗土 麥門冬 半兩去心 甘草 炙半兩

參 一分去蘆 陳皮 一分湯浸去皮白

右為散每服一錢以水一小盞煎至五分去滓量大

小以意加減

陳橘皮散 治小兒咳嗽胃中滿悶不欲乳食

陳橘皮 一分湯浸去白焙 桔梗 一分去蘆 貝母 半兩煨黃 雞蘇 一分 杏

仁 一分湯浸去皮麵炒 人參 一分去蘆

右為散每服一錢以水一小盞入燈心十莖煎至五

分去滓温服日三四服量兒大小以意加減

麥門冬散 治小兒咳嗽聲不出

麥門冬 去心焙 杏仁 湯浸去皮尖雙仁麵炒微黃 甘草 炙微赤剉 貝母

煨微 款冬花 各一分
紫苑 半兩洗
黃 去苗土

右為散每服以乳汁調下半錢日三四服量兒大小計加減

款花散 治小兒久新咳嗽氣急可食

款花 知母 貝母 阿膠炒 甘草

右等分為粗末三歲一錢水半盞煎至三分去滓一方貝母為末沙糖為丸噙化下亦治咳甚妙 又方夢卜子炒為末沙糖為丸含化治嗽

甘葶散 治小兒咳嗽有痰氣急亦治喘促胸悶坐卧不安

葶藶 半兩炒 麻黃 一分去節 甘草 貝母 杏仁 各去皮各一錢

右為末三歲一錢水半盞煎三分去滓温服兒大小以意加減

人參丸 一名人參半丹 治小兒咳嗽有痰氣急惡心可食消

痰飲止嗽

人參 半夏炮 白朮 川薑 南星炮

右等分為末薑汁糊丸如小豆大三十九丸薑湯下月內

百醉嬰兒如針頭大沾在乳頭上令兒吮之

辰砂半夏丸

一名杏醫丸

治小兒肺壅痰實咳嗽喘急胸膈

痞滿心忪煩悶痰涎不利呀呷有聲神志昏憤

五靈脂

微炒黃用酒飛去沙土

朱砂

研飛各一兩

葶藶

水淘洗淨日乾別杵

成杏仁

湯浸去皮尖及雙仁二麵炒別杵成膏

半夏

湯浸七次去滑焙乾半兩上同

右為末入研藥勻生薑汁煮麵糊和丸如小麻子大

每五丸至七丸淡湯下食後一方煎麻黃湯下三

丸日三量大小加減

金肺散 治小兒諸般喘嗽急驚風神效

錫灰

一錢 鬱金

半夏

湯浸七次各一分半

漢防已

硫黃

各三

錢半

右為細末每服半錢加一錢小兒加減煎猪肉湯下

食後日進二服

辰砂丸

出朱氏集驗方

治咳嗽安驚化痰

辰砂

研一半為末一半入藥

白礬

白附子

炮各半兩

南星

一兩去皮

臍切作片再用
雪水煮焙乾 大半夏 一兩半湯七次生薑
自然汁作餅炙乾

右細末糯米粉煮糊為丸如小棗豆大每服二十九

臘茶薄荷湯下感患三年者服之而愈

黃耆湯

出濟生
按粹方

治咳嗽喘逆身熱鼻乾燥者熱入肺

經為客熱呬呀有聲黃耆為主人參為佐

黃耆

二人

參

三錢

桑皮

三錢

地骨皮

五錢

甘草

二錢半

右咬咀水煎放冷時時服之

抱龍丸

出錢氏方

治傷風痰身熱昏睡氣粗風熱痰盛咳

嗽治驚風潮搐及蠱毒中暑沐浴後並可服壯實小兒
宜時與服之

雄黃

一分

辰砂

另研半兩

天竺黃

一兩

麝香

另研半兩

天南星

臘月釀牛膽中陰乾百如無只用其
生者去皮臍剉炒熟用不然用四兩

右為末煮甘草水和丸皂子大溫水化下服百日小

兒每丸分作三四服五歲一二大人三丸亦治室女

白帶伏暑用鹽少許細嚼一二丸新水送下臘月中

雪水煮甘草和藥丸佳一法用漿水或新水浸天南

星三日候透軟煮三五沸取出乘軟切去皮只用白
 軟者薄切焙乾炒黃色取入八兩甘草二兩半用水
 二碗浸宿漫火煮至半碗去滓旋旋添入天南星末
 漫研之令甘草水盡入餘藥一方煉蜜和九甘草薄
 湯化下 一方天竺黃

鬱金散

一名金花散 王氏小兒方

治小兒一切咳嗽

鬱金

剉半兩

防風

去仁切

半夏

切各一分

巴豆

二十一枚 去殼盡

皂

莢

剉一挺

右以水一升同于銀器內煮令乾去巴豆皂莢不用

以溫湯洗餘三味焙乾搗為末每服半錢生薑蜜熟

水調下更量大小加減

注齋膏

出聖濟 總錄

治嬰兒未滿百日咳嗽

白殭蠶

蜜炙 五枚

雄黃

研半錢

杏仁

湯浸去皮尖 雙仁炒研

貝母

去心

七龍腦

研一字

右搗研為末薑汁和為膏每用少許注唇上令兒嘔
 之

潤肺散 出宣明論

治小兒膈熱咳嗽痰喘甚者久不瘥

以瓜蒌實一枚去子用穰為末以寒食麩和為餅子
炙黃為末每服一錢溫水化下乳糖下日三服為止
立效 一方用粥飲調下半錢量兒大小以意加減

菖蒲煎丸 出御藥院方

治小兒肺氣壅實嗽痰涎喘鳴肩

息風邪

人參 石菖 欬花 紫苑茸 桂心 各一錢

右為末煉蜜和丸每兩作三丸每服一九煎糯米飲

化下食後服

蟬殼湯 出醫方妙選

治肺氣不利

蟬殼炒 人參 五味子 洗各一兩 陳橘皮 去白 甘草 各半兩

右為細末每服半錢煎生薑湯調下

百部散 出聖惠方

治小兒頭熱令乳母服之

百部 貝母 煨黃 紫苑 洗去土 葛根 剉各一兩 石膏 一兩

右為散每服三錢以水一小盞入竹葉二十片煎至六分去滓每服食前溫服令兒飲乳甚佳

麥門冬煎

出聖惠方

治小兒咳嗽壯熱胸膈壅滯

麥門冬

一兩去心

杏仁

二兩湯浸去皮尖

生薑汁

半兩蜜二合

右先以水一大盞煎麥門冬及杏仁至四分入砂盆

內研絞取汁劫入銀器中次內生薑汁等以漫火熬

成膏收于瓦器中每服以清粥飲調下半匙日三服

夜一服量兒大小加減

四物欬冬丸

出千金方

治小兒嗽晝差夜甚初不得息不

能復喘

欬冬花

紫苑

各一兩半

桂心

半兩

伏龍肝

六銖

右為末蜜和如泥取如棗核大傅乳頭上令兒飲之

日三傳可漸漸令兒飲之

桂枝湯

出千金方

治少小十日已上至五十日卒得聲嗽

吐乳嘔逆暴嗽晝夜不得息

桂枝

半兩

甘草

二兩半

紫苑

十八銖

麥門冬

一兩十銖

右改咀以水二升煮取半升以綿著湯中提綿滴兒

口中晝夜四五過與之節乳哺

天麻散 出全 嬰方

治小兒咳嗽有痰氣壅面紅

天麻 三錢 硃砂 一錢 麝香 一字 南星 水浸春秋五日冬七日夏三日半兩

右為末每服一字用杏仁湯調下人參湯亦可

一字散 出全 嬰方

治嬰兒百日內外咳嗽及諸咳嗽眾藥

不效者

核桃 一箇鑽孔 朱砂 一錢 腦子 一字 水銀 二錢入核桃內醋研壘塗

紙三重裏藍泥固濟日乾微火煨留三分性去泥用

右為末三歲半錢新生半字薄荷飲調下

生金丸 出全 嬰方

治小兒咳嗽有痰氣急可食

人參 鬱金 半夏 白礬 煨各一兩

右為末薑糊丸如小豆大三歲三十九丸生薑湯下

雄黃丸 出全 嬰方

治小兒咳嗽氣粗有痰

南星 雄黃 半夏 各一錢 巴豆 一半去油

右為末糊丸芥子大三歲十九丸生油浸過生薑湯下

南星丸 出全 嬰方

治小兒咳嗽涎盛咽膈不利

南星 切片皂莢水浸一夕莖乾 半夏 薑汁浸 殭蠶 一半醋浸 白礬 一半生用

右為末等分薑糊丸如小豆大三歲二十九薑湯吞

下如驚風涎盛皂莢水破服只生礬末皂莢水調立

效

葶蘆丸 出全 嬰方

治小兒乳食衝脾傷風咳嗽面赤痰盛

身熱氣促

葶蘆 炒 牽牛 炒 杏仁

湯去皮尖及雙仁者控 乾麩炒黃別搗為膏

防已

炒

右等分為末棗肉丸如小豆大三十九薑湯送下乳

食後或臨夜服量大小加減一方三九至五九服

鎮庭散 出宣 明論

治小兒一切驚喘肚脹咳嗽

鬱金

大黃 各半 兩

甘草 三錢 輕粉 一錢

右為末每服半錢用薄荷湯半砂硃細研冷水以木

匙瀝下

貝母散 出聖濟 總錄

治小兒感寒咳痰涎不利

貝母 去心

皂莢子 炒黑各 半兩

葶蘆子 隔紙炒 一分

甘草 炙剉 半兩

右搗羅為散每服半錢米飲調下乳食後服

桃花散 出聖濟總錄

治小兒咳嗽

蛤蚧 酥炙一錢 蛤粉 研二錢 芎藭 一分 丹砂 研半錢

右研為散每服半錢溫薑汁調下量大小加減乳食

後服

白散子 出聖濟總錄

治小兒咳嗽

栝婁根 知母 焙 貝母 去心 甘草 炙等分

右搗羅為散每服半錢煎黃腊米飲調下

桔梗湯 出聖濟總錄

治小兒月內及百疳暴嗽乳嘔逆不

得息

桔梗 炒 紫苑 去苗土 甘草 炙判一分 麥門冬 去心焙一兩三分

右粗搗篩每服一錢水七分煎至四分去滓溫服量

兒大小加減

桃紅丸 治小兒齁齁咳嗽痰涎壅盛或作喘急

天南星 一分 白附子 炮 川烏 炮各一分 石膏 一錢 地龍

錢一 白礬 錢枯一

右為末自然薑汁搜丸麻子大硃砂為衣令半紅半

白每服三五十九淡生薑湯下

勝金丸 治小兒齕肺氣喘急變成龜胸

砒霜一分 黃丹一分

右以砒霜研細入丹同研用鯽魚一箇去腸肚入砒霜在內以紙七重裏濕將黃泥固濟候乾紅取出再

研細露星一宿

甜葶藶

杏仁

去皮炒各一兩

牽牛子

半兩末

雞內金

二七箇日

乾為末

右為末棗肉為丸如麻子大每服二丸用茶清下

清膈丸 治小兒肺感風寒呀呷咳嗽

半夏

湯炮七次去滑焙

白礬

鉛白霜

滑石

天竺黃

各等分

右細麵糊丸菜豆大每服五丸量兒大小加減薄荷湯下

陳橘皮散 治小兒咳嗽咽中作呀呷聲

陳皮

杏仁

湯浸去皮麩炒

桑根白皮

剉

甜葶藶

隔紙炒

甘

草 炙黃各一兩

右為散每服一錢以水一盞煎至五分去滓放溫量兒大小加減服之

夢卜子散 治小兒咳嗽喘急作呀呷聲亦治咳逆上氣喘促

蘿蔔子 一分 皂莢子 十枚 煨 去皮 燈心 一束 麻黃 一分 去節 甘草

半分 炙黃

右為末每服一錢以水一小盞煎至五分去滓不計

時候量兒大小以意加減溫服

雄黃散 治小兒胸喉齁齁喘不止

雄黃 一錢 甘遂 一分 半 芒硝 二錢 輕粉 少許 另研

右為末每服一錢用漿水一小盞油一點調下吐噉瀉為度

牛黃散 治小兒咳嗽喘急煩熱喉中作呀呷聲

牛黃 一分 研 蟬殼 半分 炒 柴胡 一分 去苗 菰藪子 一分 散

右為散每服以蜜水調下一字日三服二歲已上加

之半錢

雄黃丹 治小兒齁齁喘滿咳嗽心胸煩悶傷熱觸毒
一歲兒五丸壯者七丸二歲十九丸

雄黃 朱研各一錢 杏仁十四粒炒 豉淡者二 巴豆七粒

杏巴豉三味用米醋半盞乾薑三片指大煑令乾研
成膏皂莢一寸蜜炙焦去子與皮製牛膽南星一分
同雄硃與杏膏研令細末加少糊丸麻子大淡薑湯
送下

天南星丸 治小兒痰多哮喘急咳嗽

天南星炮 半夏湯洗 白礬粘各 雄黃細研

右為末煎熬皂莢膏為丸入少許麩糊丸如麻子大
每服二三錢淡生薑湯下

澤瀉散 治小兒齁齁膈中壅熱涎潮

澤瀉分 蟬殼全者二 黃明膠手掌大者三

右為末服一錢温米湯調下日進二服未愈再服

治小兒呀呷不止方

猪腸一截 鬱金末 蚌粉 各一兩將二味內腸中緊繫兩頭漫火炙

乾為末

右細羅每服半兩夜卧熟水調下三服頓服盡水不發

治小兒胸候

巴豆 一半去苗 牛黃 少許 大黃 微加

右為末用一字乳食送下

治小兒胸痰壅咳嗽咽喉不利常作呀呷聲

甜葶藶 一分隔紙炒令紫色 杏仁 半兩湯浸去皮尖雙仁麩炒黃 麻黃 半兩去節

右為散每服一錢以水一小盞煎至五分去滓放溫量兒大小加減頻服

郁李仁丸 治小兒肺臟熱多咳嗽喘急咽中作呀呷聲

郁李仁 三分湯浸去皮微炒砂如膏 杏仁 湯浸去皮尖雙仁 川

大黃 一分剉炒

右以大黃一味為散同研令勻入蜜少許和丸如梧

桐子大每服以粥飲研破三丸服之日三服量兒大小以意加減

桃仁丸 治小兒多咳嗽咽中如呀呷聲

桃仁 四十枝湯浸去皮尖雙仁麩炒黃色 琥珀末 一分 甜葶塵 一分隔紙炒赤

右件葶杏研如泥次下琥珀末更搗令勻如菜豆大每服煎桑白皮湯化破五丸服之日三服三歲已上加丸數服

立勝散 治小兒胸喉不止

膽礬 一錢 輕粉 少許

右為細末用漿水半盞小油一二點打散灌之

烏雞子膏 治小兒齁喘

烏雞子 一箇 輕粉 半錢

右將雞子開一孔入粉在內攪勻紙糊孔子飯上蒸熟每日喫一箇

治小兒齁齕

用梨蘆不以多少為末每用一字如吐不止用通頂

散搗鼻亦療嘔逆甚效

治小兒多咳嗽咽中如呀呷聲

用大蘇藪一枚白麩溶瓢作餅子燒熟却拌杵為末
每服以清粥調下半錢量兒大小以意加減

射干散

一名麻黃湯

治小兒咳嗽心膈痰壅攻咽喉作呀

呷

方見本門咳逆上氣類

桔梗湯

治咳嗽呀呷咽膈不利

桔梗

甘草炙

石膏

紫蘇

半夏

湯洗七次焙

皂莢

一分燒存性

右為末每服一錢水一盞生薑三片煎五分去滓時

時服

定嗽化痰丸

治小兒風壅涎盛咳嗽不止呀呷有聲

睡卧不安

猪牙皂莢

去皮弦酥炙赤色

天南星

炒

天麻

朱砂

另研各半

兩白礬

枯三錢

右為細末入硃砂研勻生薑自然汁煮麵糊為丸如黃米大別用硃砂為衣每服三十九生薑湯逆下乳食後服

辰砂破涎丸 治小兒痰涎停積結聚不散咽膈不利呀呷有聲咳嗽氣粗胸膈痞悶一切風涎悉皆治之

辰砂 二錢 真硃砂 二錢 半夏 一兩湯浸洗去滑 人參 去蘆頭二兩 青

橘皮 去白一兩 天南星 半兩炮

右為末生薑自然汁煮麵糊為丸如黍米大別用硃

砂為衣每服三十九溫生薑湯送下乳食後臨卧

痰實 附論

夫小兒乳食不下吐涎沫而微壯熱者痰實也此因乳哺冷熱不調停積胸膈或水飲留滯氣不升降致令痰熱不調停積胸膈或水飲滯不瘥則變驚癇之病 錢氏云段

齊郎子四歲病嗽身熱吐痰數日而咯血痰以桔梗湯反防已丸治之不愈其涎上攻吐喘不止請錢氏下福銀丸一大服復以補肺散補脾散治之今段氏咯血肺虛何以下之曰肺雖咯血有熱故也久即虛痿今涎上潮而吐當下其涎若使不吐涎為甚使也蓋吐涎能虛又生驚也痰實上攻亦使發搐故依法只宜下痰後補

脾肺必涎上而吐愈若先補其肺為逆先下其痰為順
先下後補為良也 直指方云小兒受病多生于熱熱
則生痰痰者諸病之根用藥白丸子加硃砂用研細薄
炮湯入薑汁少許調下風痰蘇合香丸天麻防風丸加
硃砂末薑汁
炮湯調下

方

木香通氣飲子 治一切氣病噎塞痰飲不下

青皮

去穰 半兩

木香

半兩

檳榔

半兩

香白芷

三錢

陳皮

去穰 半兩

蘿蔔子

半兩 炒

藿香葉

一只殼

去穰 炒

人參

各半兩

甘草

炙半兩

右為細末每服三錢水一盞煎至八分去滓溫服不
拘時

導飲丸消乳食化痰涎

荆三稜

三兩 二錢

蓬莪茂

三兩 二錢

青皮

去穰 白 一兩

陳皮

去穰 一兩

白朮

一兩 半

檳榔

一兩 兩

枳殼

麩炒 一兩

木香

各一兩

半夏

二錢

薑六錢製

白茯苓

半兩

右細末煉蜜丸每兩作五十丸不拘時淡薑湯化下
一丸溫水亦得

石膏散 治小兒痰實壯熱頭痛

石膏 另研一分 大黃 剉炒一分 柴胡 去苗一分 升麻 三分 知

母 二分 枳實 去穰麩炒三分 黃芩 去黑心三分 甘草 一兩 大青

兩半 芍藥 三分

右粗搗篩每二錢水二盞入薑汁少許同煎至六分

去滓分溫三服量大小加減

大黃湯 治小兒八歲已上熱結痰實不能食

大黃 剉炒一兩 柴胡 去苗三分 升麻 三分 黃芩 去黑心三分 知母 焙三分

分 梔子仁 三分 細辛 一分 芍藥 三分 枳實 去穰麩炒半兩

右粗搗篩每二錢水一盞入竹葉十片同煎至六分

去滓分溫三服早晚各一量兒大小加減

金硃化痰丸 治痰熱安神志及頭痛眩暈心忪恍惚

胸膈煩悶涕吐稠粘痰實咳嗽咽嗑不利

金箔 二十五片為衣 辰砂 飛研二兩 皂莢子 炒黃色 白礬 光明者于鐵器

由熬令 鉛白霜 細研 天竺黃 研各一兩 龍腦 細研半兩 半夏

薑製 四兩

右為細末入研藥勻生薑汁麪和丸如梧桐子大小
兒如黍米大每服十九至十五丸食後臨卧生薑湯
下

澄清飲 治痰壅咳嗽不止

白礬 二錢半 南星 半夏 蚌粉 知母 貝母
甘草 各五錢 人參 三錢

右剉散每服二錢生薑三片烏梅半箇煎澄清徐徐
吸服效亦治因飲乳逆氣觸于肺經作嗽久不止壽

星丸兼服

神麴湯 治小兒痰實

神麴 微炒 木香 各一兩 半夏 用生薑八兩切片同搗
黃 一兩 青皮 炒 甘草 炙 白茯苓 各半兩 薑 成膏火炒令黃一兩

右為細末每服半錢入鹽少許沸湯點服

白金丹 治小兒消痰實利胸膈

桑白皮 前胡 半夏 湯浸七遍 白朮 各一兩 人參 陳
橘皮 各半兩 甘遂 一分

右為末煉蜜和丸如黍米大溫水下五粒至七粒周歲小兒并一二歲只可服三粒已上臨時加減

防風溫膽湯 消痰順氣疎風

防風 一錢半 甘草 炙一兩半 橘皮 一錢半 茯苓 半兩 枳殼 炒麩半兩

半夏 兩半

右剉散每服一錢入生薑紫蘇同煎服

陳橘皮湯 治小兒痰壅結實時欲嘔吐

陳橘皮 湯浸去白炒三分 桑白皮 剉半兩 麥門冬 去心焙半兩 前

胡 去苗一分 大黃 剉炒一分 升麻 一分

右粗搗篩每服一錢水半盞煎至三分去滓溫服食後日三量兒大小加減

硃砂丸 治鎮心壓驚驅風墜痰

硃砂 研半分 真殭蠶 洗焙 天南星 炮製 白附子 濕紙煨半兩 麝

字 一全蝎半焙

右末飛白麩糊丸如麻子大每服五丸薄荷湯溫服

青州謝家白丸子

半夏湯浸七次真川烏略炒去皮白附子洗天南星洗天

麻各半全蝎一分

右細末生薑汁煮飛麵糊丸麻子大每十九丸熟水送下諸癩白丸子研入硃砂雄黃雌黃少許薄荷湯入薑汁調下傷風咳嗽白丸子末紫蘇烏梅湯入薑汁調下寒瘧白丸子金液丹等為末米飲調下大抵小兒諸病非熱則痰治痰惟半夏為上土藥

香橘丹 治小兒消宿食痰滯

木香 陳橘皮去白各一兩牽牛子炒草豆蔻炒白朮

薑黃各半兩

右為細末滴水和丸黍米大每服十粒葱白湯下大小便瀝或不通即乳食前服之

枳殼湯 治小兒痰實壯熱不除

枳殼麩炒去穢前胡一兩木香一兩半夏湯洗七次一兩乾薑 甘

草各半兩

右為細末每服一錢水一盞生薑三片陳橘皮少許

同煎至六分去滓

乳香半夏丹 治小兒壯熱喘嗽痰實者

乳香 研 半夏 白礬水浸一宿焙乾 木香 各一兩 硃砂 一兩研飛 麝香

一錢 金箔 研二片

右都拌勻用生薑自然汁和丸黍米大每服十粒生薑湯下量大小加減

蘇香湯 治小兒平心肺消痰壅

木香 紫蘇 人參 各兩 五味子 甘草 陳皮 兩半

右為細末每服半錢入生薑自然汁少許同荆芥湯

調下

前胡散 治小兒痰實心胸不利多欲嘔吐

前胡 半兩去蘆頭 貝母 一分煨 白朮 一分 桑根白皮 一分剉

人參 一分去蘆頭 陳橘皮 半分湯浸去白穰焙

右搗粗羅為散每服一錢以水一小盞煎至五分去滓不計時候溫服量兒大小加減服之

芒硝丸 治小兒痰實往來寒熱不欲飲食肌體羸瘦

川芒硝 半兩

川大黃 半兩

劉微炒

半夏 一兩

湯浸七次去滑

代赭 半兩

甘遂 一分

杏仁 十粒

湯浸去皮尖微炒

右為末煉蜜丸如棗豆大空心以溫水下兩丸量兒

大小加減服

半夏散 治小兒痰氣結實煩壅

半夏 一分

湯浸七次去滑

前胡 半兩

去蘆

川大黃 一分

炒

甘草 一分

炙

川朴硝 一兩

右為散每服一錢以水一小盞入生薑少許煎至五

分去滓溫服日四服量大小以意加減

治小兒五六歲痰實不散宜服此方

前胡 一分

去蘆

川大黃 一分

劉炒

枳實 一分

炒去穰

甘草 一分

炙

川

朴硝 一兩

右為散每服一錢以水一中盞入生薑蓮子大煎至

六分去滓量兒大小加減溫服

赤茯苓散 治小兒痰實壅悶時時嘔不欲飲食

赤茯苓 半兩

甘草 一分

劉炙

陳橘皮 湯浸去白

熟一分焙

川朴硝 半兩

兩

旋覆花一分

右羅為細散每服二錢以水一小盞入生薑如蓮子大煎至五分去滓量兒大小加減服

褊銀丸 治風涎膈實上熱及乳食不消腹脹喘粗

好墨八錢 水銀半兩 黑鉛一錢 麝香半錢 巴

豆一兩 心脾研細

右將巴豆末并墨鉛再研和勻入沙子麝香陳米粥和丸菜豆大捏褊一歲一九二三歲二三九五歲已

上五六丸煎薄荷湯摩冷送下不得化破更量虛實
增減食後服

肥兒丸 治涎多乳食不下涎流不出口者乃名脾熱

川黃連一兩 蕪荑仁一兩 麥蘖炒半兩 神麴炒半兩

右為細末生豬膽汁煮麵糊為丸如麻子大每服五丸米飲吞下食前服

百粗丸 治涎多乳食不下涎流不出口者乃名脾熱

川黃連 厚朴 吳茱萸 各一兩用生薑一兩裨同煮一宿焙令百熟

右為細末麪糊丸如梧桐子大陳米飲下百粒粟米飲丸尤妙小兒即小丸如黍米大如瀉甚者加肉豆蔻一箇沒石子兩箇

柴胡湯 治小兒百日痰實

柴胡 去苗 三分 黃芩 切焙 一分 赤茯苓 去黑皮 大黃 剉炒 各半兩 甘

草 炙 一分

右粗搗篩每一錢水半盞煎至三分去滓分溫服早晚各一量兒大小以意加減

龍齒湯 治小兒百日已來痰實壯熱兼驚

大黃 剉炒 一分 甘草 炙剉 一分 枳殼 大者一枚去穰 麩炒黃用 龍齒 朴

硝 各一分

右粗搗篩每服一錢水半盞煎至三分去滓食前溫服日三量大小以意加減

前胡枳殼湯 治痰實壯熱胸中壅悶大便堅卧喘急

不欲乳食

前胡 錢一 枳實 炒 赤茯苓 大黃 甘草 炙 各半兩

右咬咀每服一錢水一盞煎六分稍熱服日三四服
量大小加減

前胡半夏丹 治小兒痰實壯熱煩壅

前胡 半夏湯浸七次 朴硝 大黃炮 麥門冬去心

各半
兩

右為細末取生薑汁和丸黍米大每服十粒煎入參
湯下

加減抱龍丸一名抱龍丸 治壅嗽痰實欲生驚風時作潮

熱方見咳
嗽類

茯苓湯 治小兒痰實壯熱

赤茯苓去黑皮 人參 黃芩去黑皮 大黃剉炒各半兩

右粗搗篩八九歲兒每服二錢水一盞煎至半盞去
滓溫服日再更量兒大小加減

四通湯 治小兒痰壅結實

桔梗炒半兩 大黃剉炒半兩 陳橘皮湯浸去白焙 紫苑去苗土各一分

右粗搗篩每服一錢水八分煎至四分去滓食後溫

服日再更量大小加減

半夏丸 治壅風痰盛咽膈不利

半夏五兩 白礬枯過一兩 二錢半 人參一兩

右為末生薑自然汁糊為丸粟米大每服二十九食

後睡生薑湯下

人參飲 治小兒百日已來痰實

人參半兩

右粗搗篩每服一錢水半盞入生薑一片同煎至三

分去滓分溫三服量大小加減

奪命散 治控下風痰全活危急

青礪石一兩 搗碎 燄硝一兩 和入銅鍋內硬炭火煨紅 硝盡為度候藥冷如金色取去

研令細

右末每服一錢急風薄荷汁入蜜調下涎藥自大便

出狀如稠涕次服退熱截驚等劑漫風木香入少蜜

煎湯調下涎即墜入服中次服花蛇川烏等劑

衮金丸 治一切痰飲涎唾胸滿嘔逆

南星 四兩 生 枳殼 一兩 疑炒

右為末棗汁糊為丸如菜豆大每服二十九金銀箔為衣薄荷湯下

靈白丸 治風痰上壅

以靈硝青州白丸子各一十粒薑蘇湯化開服效

蕩皮丸 治肺壅咳嗽痰久嗽不宜卒止先須調氣

用參蘇飲秘傳降氣湯並加人參五味子烏梅桑白

皮紅棗斟酌用 一方蘇子降氣湯加上藥煎服

辰砂半夏丸 治小兒肺壅痰實咳嗽喘息急胸膈痞

滿心煩悶痰涎不利呀呷有聲 方見本門 咳嗽類

治小兒上氣昏壅口內多涎喉中痰實唇口生瘡咽喉

腫痛頭面赤色唇皮焦裂大便秘小便赤宜喫此方

甘草 麥門冬 去心 升麻 羌活 石膏 柴胡 去毛

旋覆花 各半 兩 山梔 一兩 大黃 炮 熟 麻黃 去根各 一錢

右為細末每服一錢半水一盞薄荷二莖生薑一片同

煎取八分食後去滓熱喫兒小者服一錢

長生圓 治小兒痰氣壅實寬中補脾胃

木香 半兩 檳榔 一兩 枳實 一兩 丁香 三錢 半夏 三錢 全蝎 二十箇

肉豆蔻 三錢 縮砂 三錢

右為末糊丸黍米大一歲五十九丸飲下空心服

利膈丸 治風勝痰實喘咳嗽風氣上攻

皂莢 不蛀肥者去皮子 黑牽牛 四兩半 槐角子 半兩

青皮 去白 半夏 湯洗七次

右為細末薑汁麵糊和丸如黍米大每服十五丸至

二十九生薑湯下

主小兒痰痞

以慈母枚葉炙黃香作飲服之

治大人小兒不進乳食和氣去痰

用人參四兩半夏一兩生薑汁一宿曝乾為末麵糊丸如菜豆大每服十九食後生薑湯吞下

喘 附論

夫喘急者肺心之不安也巢氏云肺氣有餘即喘咳上

氣若為風冷所加即氣聚於肺肺脹胸滿氣虛也肺主
 陰陽虛實不調形寒飲冷不避乳食飢過不停內則傷
 於肺外則傷於皮毛上不得下降下不得上升中不得
 中消則關膈不通氣道不利邪客肺經痰停胃脘與氣
 相逆肺腕壅隘故喘急鳴息又有傷寒身熱喘急肺脹
 胸滿者是表不解小青龍湯麻黃杏子湯又嗽喘者時
 多涎唾久則面目腫也

郁受監稅孫男三歲病涎盛喉中牽涎鋸之聲喘急有一醫治

之此兒涎壅如大人中風之狀喘急目直自汗身冷傷
 寒論云喘急直視譫言者死生在頃刻之間可喜者能
 食而脈數其口中氣溫遂對主人曰非大吐利不能取
 效主人曰用何藥對曰宜用輕粉抄十錢雞子青為膏
 盡灌之主人畏而不用愚曰惜不吐利稍遲即死譬之
 韓信用兵先臨死地不戰則死若戰則勝可不復生可
 不戰而守死乎又况投機之會間不容髮當是之時終
 不俟乎待也主人聽服少時即吐良久即瀉皆頑涎相
 粘而出喘定神清以參朮散琥珀散即安梅氏子三歲
 目直青鮮痰盛喘急驚恐不常召愚視曰心虛則多驚
 膽虛則多恐蓋心氣虛則生寒寒則陰氣盛陰氣盛則
 血脈虛少精神散失加之喘急目清汗出身於躓氣不
 四蛇塗木相形心氣不守當發驚癇不可治也主人曰
 諸書皆不言死病何遲然不治也答曰盧氏云喘急目
 清者七傳之病經去七傳者死通真子云喘急不回肺
 也絕汗出身冷心絕此二臟相尅傳鬼生不久也主人

怒日別易數醫果驚癩而卒

喘急證候小兒有因驚暴觸心肺氣虛發喘有寒傷肺氣壅盛發喘有感風咳嗽肺虛發喘有因食醜醜傷肺氣發虛痰作喘有食毒熱物胃觸三焦肝肺氣逆作喘喘與氣急同出異名別之輕重疾突兩端喘即口開溢於胸臆氣急即取息短滿心神迷悶盛即加之喘促不得傳變宜速降下寬中補肺利膈化痰用氣即愈惟有驚喘暴急肺于乳停不散金火相尅逆而不實錯亂血脉擊觸臟腑速療乃瘳緩即加重重

即傳變

方

犀角地黄膏

天門冬

麥門冬

各去心

白茯苓

茯神

生地黄

各洗

前胡

柴胡

人參

玄參

甘草

川芎

天麻 防風 羌活

右等分為末煨金墨一挺留性煉蜜丸如芡實大金箔為衣每服一粒薄荷湯下化服

大効雄酥化痰定喘丸 治小兒因驚發喘逆觸心肺
暴急張口虛煩神困

雄黃 硃砂 各一錢研 蟬蛻 全蝎 炒 地龍 白殭蠶

天南星 白附子 輕粉 半錢

右為末麵糊為丸麻子大每服三十九丸薄荷茶清送
下食後服之

定喘飲子

天麻 防風 羌活 甘草 炙 人參 苦梗 白

木 川芎 半夏麵

右等分咬咀每服二錢水一小盞入麥門冬十四粒
同煎去滓通口食後服

八味理中丸 治小兒心脾肺不和息數脉急上下不
升降中膈痞滿胸臆鬱隘坐卧煩悶精神不樂飲食不
下

人參 甘草 炙 白朮 乾薑 枳實 製 白茯苓

五味子 去梗 桑白皮 去赤

右等分為細末煉蜜為丸小指大每一丸淡豆豉五粒水一小盞煎至半去豉通口服無時

麻黃湯 治少小卒肩息上氣不得安此惡風入肺亦治咳逆上氣喘促不得安卧

麻黃四兩 甘草一兩 桂心五寸 五味子半升 半夏 生薑各二

兩

右咬咀以水五升煮取二升百日兒服一合小大節度服之便愈方用蜜煎服

無價散 治風熱喘促悶亂不安俗謂之馬脾風者

辰砂二錢半 輕粉半錢 甘遂一錢半 麩炒裹煑焙乾方用

右為細末每服一字用溫漿水少許上滴小油一點抄藥在上沉下去脚以灌之立效

治小兒哮喘

黃丹 砒霜

右各生用為末用棗肉為丸如麻子大每服三丸臨卧冷茶清下

治暴喘俗傳為馬脾風也大小便硬宜急下

用牛黃散奪命散後用白虎湯下之

麻黃升麻湯 治小兒寒鬱而喘喉鳴服中鳴腹滿鼻

流清脉沉急而散數

麻黃 二錢 草豆蔻仁 各一錢半 益智仁 一分 厚朴 二分 甘草

一分 當歸尾 升麻 麴末 各半 吳茱萸 二分 柴胡 一分

蘇木 半錢 紅花 少許 黃芩 生一分 全蝎 二箇

右吹咀如麻豆大分作二服每服水一盞煎至七分

去滓稍熱服食遠忌風寒微有汗乃效

定喘丸 治痰喘

麻黃 去節 杏仁 去皮尖 甘草 猪膽十炙三錢 梔子 三錢

右為末煉蜜為丸如棗豆大桑白皮湯吞下

雞青膏 治小兒延鳴喘急服藥不退者氣食而可用

用無雄雞子一箇取清入輕粉抄十錢拌和銀器盛

湯瓶上頓熱下之用珍珠丸等劑

普濟方卷三百八十七

總校官候補知府臣葉佩蓀
校對官編修臣馮敏昌
謄錄監生臣狄景通